

শব্দমালা

শ্রীযতীন্দ্রনাথ সেনগুপ্ত

পাঁচ টাকা

প্রকাশক

শ্রীমণীন্দ্রমোহন বাগচী

৪৭, মনোহর পুকুর রোড,
চাকুরিয়া পোঃ, কলিকাতা।

কলিকাতা, উপাসনা প্রেসে

শ্রীসাবিত্রীপ্রসন্ন চট্টোপাধ্যায় কর্তৃক মুদ্রিত।

সন ১৩৩৭

উৎসর্গ

জ্যোতি,

মাথার ঘাম ও প্রভুপদধূলি
শুভায়া, ললাটে তিলক লেখি'
আমি আনি টাকা,—তুমি গো লক্ষ্মী
বাজাইয়ে দেখ খাঁটি কি মেকি ।
মনে, গৃহকোণে কি আবর্জনা
নিত্যই কর সন্মার্জনা !
সত্যই কহি, অগ্নি মোর
বহিরন্তর-গৃহ-গৃহিণী !
তব মার্জনা বিনা এ মূঢ়ের—
রহি' যেত সব শ্রীহীনই ।
এ মরু-প্রাণের তুমি মেঘমায়া,
নিদাঘ-তরুর তুমি তলছায়া ;—
ছায়ার মতন মায়ার মতন
তুমিও কি মোর কণিকা ?—
—কণিক-তুষ্ট ভাগ্যদেবীর—
অমৃত-প্রসাদ-কণিকা ?—
নিরুপায়, তবে নিরুপায়,
করিব না আর হার হার,—
মরীচি-বাঁধন বেঁধে ছায় যথা
তরুসাথে তরুছায়া,
এ মরুমায়ার বেদনে বাঁধিলু
মরু আর তার মায়া ।

যতি ।

শুদ্ধি-পত্র

খাতার ১০৬এর পাতায়
‘ডাঙার কবির’ ‘ডাঙা’
বন্ধুবরের ছাপের চাপনে
ভেঙে’ হ’য়ে গেল ‘ভাঙা’ ।
ফিরে’ আসে কবি ২৬ পাত্তে,
ভাবিয়া ‘অর্থই থই’,
বন্ধু আসিয়া ঈষৎ হাসিয়া
কোরে দিল ‘অর্থই’ ।

কহিল বন্ধু—যত্নে গত্নে
কেন মিছে মারামারি ?
কত-না দীর্ঘ হ্রস্ব হ’য়েছে,
কত কমা হ’ল দাঁড়ি !

সূচী

বিষয়				পৃষ্ঠা
অন্বেষণ	১
আলেখ্য	৩
মৎস্য-শীকার	৫
নবান্ন	৯
শিবতাণ্ডব	১২
বিভীষণ	১৬
ছুংখের পার	২১
আকালের পটোল	২৪
ফেমিন্-রিলিফ্	২৯
নূতন পথে	৩৬
শাওন রাত্তি	৪১
নষ্ট-চন্দ্র	৪৪
শরৎ আকাশে	৪৮
যুধিষ্ঠিরের স্বর্গারোহণ	৫১
শরশয্যায় ভীষ্ম	৫৫
ছুংখের কবি	৬২
পিছুহটার গান	৬৫
ছটি	৬৭

বিষয়				পৃষ্ঠা
পাষণ-পথে	৭০
ছাতার কথা	৭৩
কেতকী	...	,	...	৭৬
লীলা-কীর্তন	৮১
মহারাজ	৮৫
সরল চণ্ডী	৯০
সুন্দর-বনের গান	৯৩
মুক্তিঘুম	৯৭
কবির ঠিকানা	১০২
হাটে	১০৭
দীপ-পতঙ্গ	১১৩

অন্ধকার



অন্বেষণ

আপন ছাটার আলেয়া-আলোকে
রাঙিয়া জীবন-অন্ধকার—
ফিরি বন্ধুর সন্ধানে।—
বনের জোনাকী শুধায়,—ঝলকে
ঝলকি' দাহন-ছন্দ তার—
'কোন্‌খানে ভাই, কোন্‌খানে?'

অশ্বেষণ

অন্ধগহন মেঘকাস্তারে
ছুটে পথহারা বিছ্যাৎ ;
তমিশ্রঘন ব্যোম-পারাবারে
ফুটে উল্কার বুদ্ধবুদ !
হেথায় নাই, সে হোথাও নাই ;
কোথায় কোথায় ? কোথাও নাই !
তবু বন্ধুর সঙ্কানে,
কেন ছুটে মরি দাহন-গর্বে
আমি জানি আর মন জানে ।

আলেয়া

আপন জ্বালার চকিত আলোকে
অন্ধ জ্বালার বুকে
অলীক আলেয়া ঘুরে মরি মোরা
অহেতুক কোতুকে ।

যারে পাই নাই তারে হারাইয়ে
খুঁজে ফিরি দেশে দেশে,
যা কোথাও নাই তাই খুঁজে পাই
সহসা পথের শেষে ।

অকূল অশ্রু-কালীদহে মোরা
ক্ষণিক কমল-শ্রান্তি ;
গাহনসিক্ত বিষ-বাম্পের
দাহনদীপ্ত শ্রান্তি ।

মোরা— জ্বলে' নিভি, নিভে' জ্বলি গো !
পাগল হাওয়ার বন্ধুর স্রোতে
হাবুডুবু খেয়ে চলি গো !

আলেয়া

সাঁঝের আঁধার ঘিরে চারিধার,

ছ ছ বহে ভিজে হাওয়া ;

ধিকি ধিকি ধোঁকে আকাশের কোঁকে

যত আলো এলো-পাওয়া ।

দূর দিগন্তে শঙ্কিত গ্রাম

ঘুমায় তিমির মুড়ি’,

ধু ধু প্রান্তরে তখন মোদের—

সুরু হয় লুকোচুরি ।

পেয়ে পথহারা নিরীহ পথিকে

পথ দেখাইয়ে যাই,

মরণ-ছয়ারে পঁছছিয়া কহি—

‘পথ নাই, পথ নাই!’

মোরা— নিজে অলি, পরে ছলি গো !

অচল আঁধারে চপল উদ্ধা

যত চলি তত অলি গো !

মৎস্য-শীকার

ওগো মেছুরিয়া ভাই !

ক্ষণেক দাঁড়াও, তোমার সঙ্গে মৎস্য-শীকারে যাই ।
ঘুমিয়ে ও জেগে, জেগে ও ঘুমিয়ে রাত যদি কেটে যায়,
দীর্ঘ অলস বর্ষাদিবস কাটিবারে নাহি চায় ।
কর্মবিহীন কাটাইলে দিন ধর্মনাশের ডর ;
তোমার সঙ্গে ভিড়ে' যাওয়া ছাড়া নাহি গত্যন্তর ।
ছিপ সূতো টোপ্ ফাৎনা বঁড়শি হরেক-গন্ধী চার !—
এ অর্ধাটীন তোমারি উপর দিতেছে সে সব ভার ।

মরুমায়া

প্রতিদিন প্রাতে একা যাও ভাই আমার ছয়ার দিয়া,
আজিকে বন্ধু চলগো শীকারে আমারে সঙ্গে নিয়া।

সেদিন ছপ'রে মাচার উপরে,—সে ত ব'সেছিলে তুমি ?
মেঘ-ভাঙা রোদে বিলের শেহালা গুমটে উঠিছে গুমি'।
উড়ে মাছরাঙা, দূরে তীরস্থ জীর্ণ অশথশাখে
সন্ধানশীল শকুনি ও চিল কেঁদে উঠে থাকে থাকে।
চাহি' আনমনে জলছবি-পানে কাটিছে তোমার দিন,
ফাৎনার সনে ক্ষণে ক্ষণে অঁখি একাগ্র, উদাসীন।
সবভোলা কোন্ স্বপনের মাঝে, ফাতার চকিত নৃত্যে
চমকি' জাগিয়া চেপে ধরো ছিপ আশা-উন্মুখ চিত্তে।
টোপ খেয়ে কভু পলায় শীকার, কখনো বাঁড়শি গিলে,—
চক্রচ্যুত দ্রুত চলে স্মৃতো, কভু নিষ্ফল চিলে!

মেছুরিয়া উদাসীন!

পাও নাই পাও, আসো আর যাও, তীরে ব'সে কাটে দিন।

নদী খাল বিলে, দীর্ঘিকা ঝিলে, সব ঠাঁই ধরো মাছ,
চুনো পুঁটি রুই মৃগেল কিছুই নেইকো তোমার বাছ।
কাল বৈকালে রাজ্‌ডার খালে 'লোভা'য় ধরিলে শোল,
পরশু প্রভাতে ক্ষেমির ডোবাতে পুঁটিতে ভরিলে খোল।

মৎস্য-শীকার

কত মতলব, নব নব টোপ, নিত্য নূতন চার,—

ঘ্যাঁচরা আন্কা ভাসা ডুবো কারো নেই তাহে নিস্তার।

মেছুরিয়া নিরদয়,—

জলের মৎস্য ডাঙ্গায় তুলিতে কি হর্ষবিস্ময় !

নদীর ও কূল কালো হয়ে আসে শ্রাবণ-সন্ধ্যাবেলা,—

তখনো বন্ধু, ছিপটী তোমার সম্মুখে থাকে ফেলা।

চিকণ কালো জলে,

মুম্বুঁ আলো আহত কৃষ্ণসর্পের মত চলে।

দূর পল্লীতে বেজে যায় 'শাঁখ, জ্বলি' উঠে দীপশিখা,

থামে ছায়ানট, ঢাকি' দিক্‌পট নামে মায়া-যবনিকা।

তখনো কিসের আশে,

তোমার নয়নে ঢেউএর মাথায় ফাৎনার ছায়া ভাসে ?

গভীর অঁধার জলতলে কোথা ঘুমায় মাছের ঝাঁক,

বর্ষারাতেও তার মাঝে বুঝি প'ড়েছে কাহার ডাক !

নূতন চারের উতল গন্ধ আকুল করিল কারে ?

বহু সন্ধানে পরমানন্দে তোমার ফাৎনা নাড়ে।

টানিতে তোমার ডোর,—

বঁড়শির 'কামা' বিঁধিল কপালে, কি তার কপালজোর !

'আপাল' কাটিয়া ঝাঁপায় লাফায়, ছিপের সঙ্গে খেলে,

তোমার লীলায় অকূল তাহারে কূলপানে ক্রমে ঠ্যাংলে !

মরুমায়ী

মেছুরিয়া, মেছুরিয়া !

কাটে যদি রাত, কাটে না ত দিন, চল ভাই সাথে নিয়া ।

মিথ্যা বন্ধু লিখিব পড়িব, শেষটা মরিব তুখে,

তোমার মতন মৎস্য ধরিব,—খাইব পরম সুখে ।



নবান্ন

এসেছ বন্ধু ? তোমার কথাই জাগ্ছিল ভাই প্রাণে,—
কাল রাতে মোর মই প'ড়ে গেছে ক্ষেতভরা পাকা ধানে ।
ধানের আঁশে ভরা অশ্রুতে শুভ নবান্ন আজ,
পাড়ায় পাড়ায় উঠে উৎসব, বন্ধ মাঠের কাজ ।
লেপিয়া আঙিনা দ্যায় আল্পনা ভরা মরাইএর পাশে ;
লক্ষ্মী বোধ হয় বাণিজ্য ত্যজি' এবার নিবসে চাষে ।
এমন বছরে রাতারাতি মোর পাকা ধানে পড়ে মই !
দাওনার খুঁটাতে ঠেস্ দিয়ে বসো,—সে ছুখের কথা কই ।

মরুমায়ী

বোশেখ, জ্যষ্টি, আষাঢ়, শ্রাবণ, ভাদ্র, আশ্বিন,—
আশা-আতঙ্কে খেয়াল ছিল না কোথা দিয়ে কাটে দিন।
হুঁহুয়োগে সবে বালির বাঁধনে বাঁধিছু বন্যাধারা,
বুকের রক্ত জল কোরে কভু সেচিছু পাণ্ডু চারা।
কার্ত্তিকে দেখি চারিদিকে,—একি ! এবার ত নহে ফাঁকি !
পাঁচরঙা ধানে ছক্-কাটা মাঠ জুড়ায় চাষার অঁখি।

অত্ৰাণে থাকে থাকে

কাটিয়া তোলায় খামারে গোলায় যাহার যেমন পাকে।
আমি রোজ ভাবি—ফসলটা নাবী, আরও ক'টা দিন যাক,
ভরা অত্ৰাণে ঘটেনা-ত কোনো দৈব দুর্বিপাক।
মরাই-সারাই শেষ কোরে, সবে খামারে দিইছি হাত,
কাল্কে হঠাৎ,—
বন্ধু, দোহাই, তুলোনাকো হাই, হইছু অপ্রগম্ভ,—
ক্ষমা করো সখা,—বন্ধ করিছু তুচ্ছ ধানের গল্প।

তার চেয়ে এস প্রভাত-আলোকে চেয়ে থাকি দূর-দূরে,—
বাঁকা নদী যেথা চরের কাঁকালে জড়ায় জড়ির ডুরে।
যেথায় আকাশে ভুলে' নেমে আসে মানস-মরালশ্রেণী,
যেথা দিক্‌বালা শীতের বেলায় এলায় অঁচল বেণী।

নবান্ন

উঠোনা বন্ধু, অম্বাণ মাস,—তাহে নবান্ন ভাই,
আজিকার দিনে চাষার ঘরে যে কুটুম ফিরাতে নাই।
বারবেলাটুক্ কাটুক্ দেবতা, ঘুরে আসি ক্ষেতখানা,
মইডলা ভুঁই ঘেঁটে খুঁটে' আনি যা' পাই ধানের দানা।
চিরান্নহীন নবান্নদিনে এসেছ আমার ঘরে,
শুভখনে শেষ অন্নপিণ্ড অর্পি' পরম্পরে,
চরম প্রণাম করিব যখন,—বন্ধু, মাথার কিরে—
ফণায়িত করে আশীষ ঢালিয়া দংশিও মোর শিরে।

শিবতাণ্ডব

আজি—ভেঙেছে ভাঙের ঢুল,
ভেঙেছে ভোলার ভুল,
 রেঙেছে সে নবজাগা অঁাখি রে!
চাহিয়া সে চারিপাশ
হেসেছে অটুহাস,
 ধোরেছে যুগান্তের ফাঁকি রে!
বববোম্ বববোম্
চমকি' সূর্যা সোম
 ধুজ্জটী আরস্তে নৃত্য,—
নেচে উঠে দিমি দিমে
ডম্বরুডিগুমে
 পতিতের ব্যথিতের চিত্ত ।

শিবতাণ্ডব

তায়্ তাতা থৈ থৈ,
তায়্ তাতা থৈ থৈ,
তাঁথৈ থৈ থৈ তাঁথৈয়া,—
ঐ নাচে শঙ্কর,
নাচে প্রলয়ঙ্কর,
নাচে ভয়ঙ্কর মাঁভৈয়া ।
দোলে ঐ অম্বর
নীলে টইটম্বর,
মাঝে তার মন্দার নাচে ঐ !
তন্ময় অঁখি মুদি'
মথি' মরণাম্বুধি
তাণ্ডবে নাচে মরণঞ্জয়ী ।
তারকায় তারকায়
ও চরণ নেচে যায়,
চিরদাহ নিবে যায় স্পর্শে,
রসাতল মেপে' মেপে'
বিপুল চরণ ক্ষেপে—
কভু নভে উচ্ছ্রিত হর্ষে !
শিরে উড়ে জটাজাল,
গলে দোলে কঙ্কাল,
ভালে শশী চাহে নিস্পন্দে,

মরুমায়ী

দিকের চক্রবাল

টল্ টল্ খায় টাল,

নাচে কাল ভৈরব ছন্দে !

ববম্ববম্ বম্

উঠে ফাঁক, পড়ে সম্,

ইন্দ্র বরুণ যম মরে রে !

ব্রহ্মা সে পায় লাজ,

বিষ্ণু নমিছে আজ

সসম্ভ্রমে মহেশ্বরে রে !

হানে প্রলয়ান্বুদ

অৰ্ব্বুদ রবি বুধ,

বুদ্বুদ্ সম ফুটে অঙ্গে,

চরণে কি কল্লোল !

ঝঙ্গামথনলোল

কারণ-নীলান্বু-বিভঙ্গে ।

অসীম ধৈর্য্যবান

চির প্রতীক্ষমান্

মহাকাল ক্ষেপে' আজ নাচে রে !

এ ব্রহ্মাণ্ডটায়

ভাঙিয়া দেখিতে চায়

তরুণ গরুড় কিনা আছে রে !

শিবতাপ্তব

নাচে নাচে শঙ্কর

চির-বিষজ্জর

প্রলয়ঙ্কর তাতা থৈয়া,

জ্বালাৰ নবৌষধি

নবনীত উঠে যদি

সৃষ্টির পচা দধি মইয়া !

রয় কত সইয়া ?

তয়্ তাতা থৈয়া !

তয়্ তাতা তয়্ তাতা

তাথিয়া তা থৈয়া !

বিভীষণ

ভাই নিয়ে এল হরণ করিয়া পরের পরমা নারী,
প্রজার মাঝারে কামুক রাজার চরম কেলেকারী !

চুপ কোরে যদি দেখি,

বল তবে আজ, তোমাদের মতে উচিত হইত সে কি ?

লঙ্কেশ্বরে শঙ্কা না কোরে কোরেছিলু প্রতিবাদ,

যুগে যুগে তাই রটাও কি ভাই মোর নামে অপবাদ ?

বিভীষণ

পার হ'য়ে এল প্রবল বৈরী সাগরে জাঙাল বাঁধি' ;
লঙ্কার দশা ভাবিয়া পড়িছু ভাইএর চরণে কাঁদি' ।

মরণ-দণ্ডে মাতি'

সবার সমুখে সভায় বসিয়া সে ভাই মারিল লাথি !

আমি তাহা সহি নাই ;—

তোমরা কি চাও খৃষ্ট নিমাই হবে রাবণের ভাই ?

আর কোন পথে সে অপমানের না দেখিয়া প্রতিকার
গিয়েছিছু বটে রামের নিকটে শুধিতে লাথির ধার ।

রাজার খাতিরে হজম করিয়া সে আত্ম-অপমান
নিরাপৎ-বৈরাগ্যে করিলে আত্মার সন্ধান

হয়ত হইতে খুসি !—

রক্ষের দেশে সে প্রথা ছিল না, কেন মোরে কর ছুষী ?

হৃদ্বিনে শুধু আশ্রয় নহে, মিতা বোলে কোল দিল,
সমর-সাগরে অপরিচিতেরে তরণী সমর্পিল !

সেই পুরুষোত্তমে

দেখনি তোমরা, তাই ভাব আমি প'ড়েছিছু মোহে ভ্রমে ।

ঘরের খবর রঘুবরে যদি সব ক'য়ে দিয়ে থাকি,—

মোরে ছুষ' বৃথা,—দেখনি তোমরা সে ছ'টি কমল অঁাধি ।

মরুমায়া

লাথিমারা পদে পূজি নাই, তাই কহ বিশ্বাসহস্তা ?
জানা ত ছিল না অহিংস হয়ে লাথি শুধিবার পস্থা ।

কহ যে দেশদ্রোহী,—

মাটী, জল, বায়ু, পশু, পাখী, নর, বল করে দেশ কহি ?
মাটীটাই যদি দেশ তোমাদের—লঙ্কা ত আজও আছে ;
রাক্ষসকূলে তবু আমি আছি, রঘুকূলে কেবা বাঁচে ?

চিরজীবী আমি, ত্রেতা হ'তে হেথা দেখিতেছি বসে' বসে',
কত বিষফল ফলা'ল মানব এই মাটী চষে' চষে' !

না বুঝে' মাটিরই ফাঁকি

মাটির ঘটের সমুখে রাখব উপাড়িতে গেল অঁাখি !
সেই হ'তে লোক গড়ি' নব নব দেবতা সে মাটী নিয়ে
যুগে যুগে প্রাণ দিল বলিদান মাটির মাদক পিয়ে ।

ল'য়ে এই মৃত্তিকা

কত মহাবীর স্বহস্তে ভালে পরিল মৃত্যুটীকা !
মোহিনী মাটির অতুলন স্নেহ তিল তিল হ'য়ে জমা
কত না স্নন্দ উপস্বন্দের রচিল তিলোত্তমা !

বিভীষণ

এ যুগের চোখে পুরানো মাটির নব মায়া পুনঃ লাগে,
সে যুগের সেই মৃগয়ী আজ চিগয়ী হয়ে জাগে।

আজি এ মাটির প্রেমে

দিকে দিকে জাতি মরণ-সাগরে স্রোতে স্রোতে আসে নেমে।
তারি আহ্বানে ডালি ভরে' আনে ধন প্রাণ মান দেহ ;
বুকের শোণিতে শোধে তারা, হায়, এ মরা মাটির স্নেহ।

ত্রোতায় যে পূজা পেয়েছিল প্রজা, দ্বাপরে যা রাজা পায়,
কলিতে কঠিন মুক মৃত্তিকা সেই পূজা ফিরে চায়।
স্বর্গ হ'তেও গরীয়সী কিনা স্বদেশ জন্মভূমি,
স্বর্গ ত নাই, কেমনে যাচাই করিবে সে কথা তুমি ?

এও বড় বিষয়—

গরীয়সী ফেলে' দলে দলে দলে স্বর্গে না গেলে নয় !

মাটি যদি হ'ত মাতা,—

তর্পিতে তায় লাগিত কি লাখো পুত্রের কাঁচা মাথা ?
মৃৎ-রূপে-রূপে মা রাজে স্বরূপে,—শুনে' এই রূপকথা
দেখিলাম আমি যুগে যুগে নর সহে নব নব ব্যথা।

মরুমায়ী

রক্তপিপাসা ভক্ত সাজিয়া পূজে যুগ্মহামায়ী,
স্বার্থ-প্রদীপে পুরোহিত করে আরতি আপন ছায়া ।
মিছে, ওরে সব মিছে,—
মাটির প্রেমের হেমকুরঙ্গ বনে বনে ছুটাইছে ।

আমি চিরজীবী, যুগে যুগে ভাই মিটানু অনেক সাধ,
ধর্ম অর্থ কাম ও মোক্ষ, জানি সকলেরই স্বাদ ।
এই বুকে আমি ধরিয়াছি সেই পরমব্রহ্ম রামে,
রাজ্য কোরেছি মন্দোদরীরে লইয়া আপন বামে ।
রাজসূয়ে দেখি' ধর্মপুত্র যুধিষ্ঠিরের খ্যাতি,—
মরণ-দুয়ারে হেরেছি তাহার পথ-কুকুর সাথী !
কোথা সে লক্ষা, কোথা অযোধ্যা, ইন্দ্রপ্রস্থ ধাম ?
কোথা সীতারাম, কৃষ্ণার্জুন ? সবই এক পরিণাম !

চারিদিকে ভাঙে সাগরের বুক

তরঙ্গ কি ভীষণ !

মাঝে শুধু জলে রাবণের চিতা—

চিরজীবী বিভীষণ !

দুঃখের পার

ঝরিছে শ্রাবণ-ধারা উপবর্ষণ,
গগন ধরণী মেঘে ধূসর বরণ ;
 দাহুরী প্রভৃতি সব
 নিভতে করিছে রব,
পাঁচীর ছেলের শব পচে অকারণ !
এ বাদলে মরণের ছিল না মরণ ?

মরুমায়ী

বিধবা ভিখারী পাঁচী, একটি ছেলে,—
তার ভালে জুটিল না ঢোঁড়া কি হেলে ;
খাঁচী বামুনেরই শাপ,
কাটিল কেউটে সাপ,
যে দিন ছ'দিন পরে পথ্য পেলে,
তোলে প'ল মা'র কোলে মায়ের ছেলে ।

পথ্য পায়নি, আজ পথ্য পেতো
কেউটের বিষে যদি বেঁচে সে যেতো ।
ছাইকুড়ে মান-তলে
দীনের ফসল ফলে,
তাই তুলে' চালে জলে সিজায়ে খেতো,
পাঁচী যদি শুখা কাঠ কুড়াতে পেতো ।

শুখা কাঠও পেয়েছিল এই বাদলে,
তাই হয়,—যার যবে বরাত খোলে ।
আনন্দে ভুখা ছেলে
ছেঁড়া কাথা টেনে' ফেলে'
ছাইকুড়ে মান খুঁড়ে' যেমনি তোলে,
'মাগো !' বোলে ছুটে' এসে পড়িল টোলে ।

তুঃখের পার

চেপে নামে বারিধারা উপবারণ,
পাঁচীর চ্যাঁচানি আদি হ'ল অকারণ।
স্থির হ'য়ে অবশেষে
ব্যাপারটা বুঝেছে সে,
তবু বেহুলার কথা হইল স্মরণ।
বিধবা মায়ে কি মানে ছেলের মরণ?

মরা-ছেলে-কোলে পাঁচী ঘরে একেলা
অকূলে ভাসিয়ে দিল কলার ভেলা !
বাদলায় বাদলায়
দিন যায় রাত যায়,
মরণ-বিজয়ী প্রেম খেলিছে খেলা ;
মেঘ-আড়ে ফাঁকি ছায় শ্রাবণ-বেলা।

যে-তুখ ঘুরিয়া মরে দেহের পাকে,
পৌঁছে না আত্মার উপর-থাকে—
সে-তুখের পারাবার
পাঁচী কি হ'য়েছে পার ?
যে-পারে বসিয়া কবি এ ছবি অঁাকে,
সেথা সে পৌঁছেছে কি ? শুধাই কাকে ?

আকালের পটোল

(ছন্দ—গতিস্বং গতিস্বং ইত্যাদি)

পটোল তোল

পটোল তোল ;—

ভাঙন্—'পর গাঙের চর,

ঢালের শেষ, আলের থর,

শ্যামল ঢেউ—পটোল ভুঁই ;

কোথায় কেউ ? শুধুই তুই ।

ফসল তোল কোমর মুই',

কপালটার—কপাট খোল !

পটোল তোল,

পটোল তোল !

আকালের পটোল

ফুলের ফল, ফলের ফুল,
পাতার ডগ, লতার মূল ;—
খসোর খস্, খসোর খস্,
চলিস্ ছঁস্ চরণ-বশ !
নজর রাখ না পায় কাঁক
ডাগর, হোক্ অপোরকোল ।
পটোল তোল,
পটোল তোল !

আলের গায়, খালের ছায়,
কালের ফল করুণ চায় ;
পটাস্ পট্ পটাস্ পট্
ছিঁড়িস্ সব স্নেহাঙ্গদ ;
তাতেই পোর্ আখের তোর,
কাঁখের তোর বুড়ির খোল ।
পটোল তোল,
পটোল তোল !

চোপ'র দিন কুপোরকাৎ,
মাজায় তোর চাগায় বাত !
তাতেই খাট্ দোমোরপাট্,
ফসল কর্ কোমরজাৎ ;

মরুমায়ী

খাটোন্ বই ভুলিস্ কই
পেটের খোল, বুকের টোল ?
পটোল তোল,
পটোল তোল !

স্বরগ কর সে বৈশাখ,—
মরণ-চর বাজায় শাঁখ !
নটন্থাথ—নটন্থসাথ
টলল্ টল্ দিকের ঢাক !
ঘূরণবায় উড়ন্ পায়—
জোইঠ যায়,—জঠর লোল ।
পটোল তোল,
পটোল তোল !

আষাঢ়, তায় সুসোর কৈ ?
শ্রাবণ যায় ঝরণ বই ।
বাদরহীন ভাদর দিন,—
হঠাৎ বান অর্থই থই !
ডাঙার ধান, জলের টান ;
গাঙের বান—ডুবায় জোল !
পটোল তোল,
পটোল তোল !

আকালের পটোল

গগন-কোণ-আসীন্ রে,
আশিন্-রাত-শশিন্ রে !
শুনিস্ তুই এ ক্রন্দন—
চিরন্তন অরন্ধন ?
ভরাই নাই 'মরাই' ভাই !
ঝরাই তাই চোখের কোল ।
পটোল তোল,
পটোল তোল ।

শীতের কোপ অসম্ভব,—
অঢ়র বুট গহম্ যব
রবির নিজ ফসল সব
তুষারঘায় ধূসর শব !
ধূ ধূঃ ধূঃ পাটল মাঠ
লুটায় দিক্ দিগঞ্চল ।
পটোল তোল,
পটোল তোল !

ফাগুন মাস জাগায় ভুল,
লাগাই চাষ পটোলমূল ।
খালের শীষ আলের 'পর
পাতায় তার পাতার ঘর ;

মরুমায়া

ফুলের থর, ফলের ভর,
মলয় বায় দোতুল্ দোল ।
পটৌল তোল,
পটৌল তোল !

বরষ-শেষ-চাঁদের সাথ
ডুবায় কাল চোইৎ রাত !
অদর্শন ভোরের পিক
বিদায়খন কাঁদায় দিক ;
উতল মন ! নূতন সন—
সহিত আজ সাহিৎ খোল্
পটৌল তোল,
পটৌল তোল ।

ফেয়িন্-রিলিফ্

আয় আয় আয় রে !

বেলা ব'য়ে যায় রে !

দারুণ আকালে হায়, বিধাতার করুণায়—

রিলিফ্ নেমেছে ভাই গ্রামের সীমায় রে !

বেঁধে নে বেঁধে নে শিরে—

পাক-দেওয়া ছেঁড়া বিঁড়ে,

কাঁধে তুলে' নে রে ভাই কোদাল ও চুব্ড়ি ;—

দেখো দেখো মতি মিঞা পোড়ো নাকো খুবড়ি' !

মরুমায়ী

ওদিকে হ'তেছে বাঁধা বসোয়ার বোরো-বিল,

এদিকে হ'তেছে খোদা শুকনো সাগর-বিল ।

তিন আনা চৌকা,—

ভুখা পেটে খেটে খা,

দলে দলে লেগে যা,—

কে বলে কঠিন মাটী ? না পোষায় ভেগে যা ।

ঘরে ব'সে মড়কে

চ'লেছিলি নরকে,

না হয় কোদালহাতে মর্বি এ সড়কে ।

খাট তবে খাট রে !

ডোঙা পেট কোঙা কোরে গোঙা মাটী কাট রে

যা বলি তা বলি ভাই, মাটীটে কি রুগ্ন !

মাংসের লেশ নাই, হাড়গোড় শুকনো ।

ঝাঁ ঝাঁ করে দিক্ রে !

রোদে ফাটে টিক্রে,

ঠনকি টনুকো মাটী কোপ উঠে ঠিক্রে ।

হাত্তোর ভগবান !

দিলি কি কঠিন প্রাণ,

কাঁকুরে এ কড়া ঢালা তারও চেয়ে কড়া জান !

ফেমিন্-রিলিফ

ঠিক্ রোদে খাটি রে,
কত মাটা কাটি রে,
না জানি সে কত বড় যারে দেবো মাটা রে !

—এই—থুড়ি, চোপ্ চোপ্ !

হেঁই মারো মারো কোপ্,
কারো' পরে নেই কোপ,

শুধু কোদালের কোপ্ !

আয় দাদা আগিয়ে,

বুড়ি ধর্ বাগিয়ে,

তাতাপোড়া দেহ-খানা দিস্ নেকো রাগিয়ে ।

জোয়ান রে হেঁইয়া !

ভালা মোর ভেইয়া !

আমি কাটি কপাকপ্,

তুই তোন্ টপাটপ্,

মেলো' ছটো পাঁজ্‌রা,—

খাঁজ্‌কাটা বাঁঝরা—

মাজাদোলা ছুট্‌পায়ে ফেলে আয় ঝপাঝপ্ ।

পিল্ পিল্ পায় পায়,

পিঁপড়ের সার যায়,—

দীর্ঘ দীঘির গায়,

হায় হায় হায় রে !

মরুমায়ী

মেটে কুলি যায় রে,—
পেটের কি দায় রে!
তবু ত পেটের ঋণ
জমে' যায় দিন দিন,—
বে'নুন রেঙুন-খুদে
সুদ শুধু যাই শুধে',
প্রাণটাকে যত কসি, ধড় করে বিন্ বিন্!

ওকি, ওরে মেষ্ঠা!
পেল বুঝি তেষ্ঠা?
তোদের কষ্ট মেটে তারই ত এ চেষ্ঠা।
এবারের বৈশাখ
পিপাসাটা চেপে রাখ;
প্রাণপণ কুদলে'
এ দীঘিটা খুদলে'
নাগাৎ শ্রাবণ ভাই,
জলের কি ভাবনাই?
যত জলকষ্ট
একেবারে নষ্ট;
তুই যদি না থাকিস্—তোরই সে অদষ্ট!

ফেমিন্-রিলিফ

দফাদার মামা গো !

মাটী না এ ঝামা গো ?

যাই হ'ক রফামত তোর মুখ থামাবো ।

সবই জানো বাপধন ! খেটে' সারাদিনটে,

রোজগার ছু'আনার, খেতে পেট তিনটে ।

তারও এক আধ্‌লা !.....

দাঁড়িয়ে যে বাদলা ?

ছেলেটা ? বালাই গেছে, তুই ভাই কোদলা ।

এই ছোঁড়া সুখলাল !

কোন্‌ ছুখে মুখ লাল ?

মোড়লের পো বোলে কি কম কোরে দেবে গাল ?

ওই মোলো ছুঁড়িটা,—

ছুঁড়িটা না বুড়িটা ?—

নাহক্‌ ছুঁচুটে' পোড়ে ভাঙে নয় বুড়িটা ।

কি কর রহিম চাচা এই বুড়া বয়সে !

লুকিয়ে চোকো চাঁচা ! ধর্মে কি সয় সে ?

আচ্ছা, বলত চাচা, এত যারে ডাকলে—

সে বিধি মেহেরবান

হিঁছু না মোছলমান ?

পোড়াব না গোর দেবো দেহখানি রাখলে ?

মরুমায়া

দূর হোক—মাটী কাটো, কেবা জানে কিসে কি ;
যতই ঘুলিয়ে দাও, তেলে জলে মিশে কি ?
খেতে পাও নাই পাও শুধু চল কুপিয়ে,
বুড়ী বেটী মাটীটাকে আগাগোড়া চুপিয়ে ;
মায়াবিনী: শয়তানী চির বহুরূপী এ !
কার ধন ছায় হরি' করে চুপি চুপি এ !

মারো এরে কুপিয়ে।—

বুকে বুঝি মুখ ব'য়ে খুন ঝরে টুপিয়ে !

চল্ চল্ কুপিয়ে !

কেবা শোনে কার কথা ? কাঁদিস্নে ফুঁপিয়ে ;
কোপের উপর কোপ ফ্যাল্ ঝপ্‌ঝুপিয়ে !

কোদালের মুখ হ'তে নে-রে চাপ লুফিয়ে,

চল মাটী কুপিয়ে ;—

চৌকার চারকোণ ঠিক মাপ-জুপিয়ে ।

খুন ঝরে টুপিয়ে রে, জোল্দি রে জোল্দি,

ওই ছাখ্ চৌকোর চারদিকে গল্দি ।

আমার চৌকো মেপে' পাবে কেউ ফাঁক কি ?

বুকে তার সাক্ষাৎ শিবরূপী সাক্ষী ।

হেঁই চল্ কুপিয়ে,

শক্ত বেহায়া মাটী রক্তেতে ছুপিয়ে ।

ফেমিন্-রিলিফ

খাল ধরে বুকে রে !

খুন ঝরে মুখে রে !

মাটির কঠিন টানে শির পড়ে ঝুঁকে রে !

ঝিন্ ঝিন্ ঝিন্ ঝিন্—জোল্দি রে জোল্দি,

কড়া রোদে খামকা কে গুলে' দিল হল্দি ?

ডুবলো কি চাকি ওই ?

পূবকোণে ছুঁকোদাল এখনো যে বাকী ওই ।

কোদাল কি হাতে নেই ? নেই কুছপরোয়া,

মাটিটুকু দাঁতে কাটি এ মোদের ঘরোয়া ।

নখে দাঁতে মাটি কাটি, ভ'রে নেই অঁজলো ;

মাটীকাটা প্রাণ আজ মাটি পেয়ে বাঁচলো !

কাঁদিস্নে খোকাধন, ভাবিস্নে বো গো !

আজ ত কেটেছি মাটি পুরো এক চোকো ।

বুকে পিঠে মাটি চাপে ! এ মাটি কে মাপে রে ?

হক্ মাটি মাপ দিতে প্রাণ কেন কাঁপে রে !

মাপদার ! মাপ দাও ও হাতেরি মাপা ওই

নয়নজলের আমি নিমকহারাম নই !

নূতন পথে

ওগো পথের সাথী !
বাঁধা-পথের সাথী !
শোন গোপন মনের কথা তোমারে কব ;—
এই ধুলায়-ছাপা
বুকে পাথর-চাপা
সদা ছুরু ছুরু গুরু গুরু চাকায়-কাঁপা
সিধা বাঁধা-রাজপথে আমি আর না র'ব ।
আজ নয়নে প'ড়েছে মোর পস্থা নব,
ওই 'পাওটা' পথের আমি পথিক হ'ব ।

নূতন পথে

বামে তর-তর ভরা গাঙ্ শাওন-রাঙা,
ডানে থর-থর খাড়া পা'ড় ভাঙন্- ভাঙা ;
গাঙ্-শালিখের দল
খোপে কলচঞ্চল
যেথা বেগার শিকড় ধরি' ঝুলিছে ডাঙা ;
সেই উঁচু নীচু অঁকা বাঁকা
পাউড়ির বুকে অঁকা
যে পথ ভাঙে ও গড়ে নিত্য নব,—
আজ সে পাওটা-পথে একা পথিক হ'ব ।

অথই সাগরকূলে বালুর বেলায়,
খোলা হাওয়ার দোলায়,
যেথা বেলা অবেলায়,
যত দলে দলে পলে পলে ঢেউএর খেলায়,
ওগো যে পথ মুছে ও রচে নিত্য নব,—
আমি সে পাওটা-পথে একা পথিক হ'ব ।

ভরা ভাদরে
মাঠ ভরে আদরে
যবে বাদর-হাওয়ার সুখে
তরুণ ধানের বুক
চিকণ শ্যাম ঢেউ চোল্কে উঠে ;

মরুমায়ী

তারি মাঝে এঁকে' বেঁকে'
আলে আলে বুক রেখে,—
ওই ওই দেখা যায়,
ওই কোথায় লুকায় !
চলে যে পথ পিছলি' যেন আল-কেউটে !
ঘন গহন মেঘে
ছঃ—স্বপন লেগে'
উঠি' চমকি' জেগে'
বাঁকা বিছ্যৎ এঁকে চলে যে পথ ক্ষণিক,
আমি সে পাওটা-পথে একা হ'ব রে পথিক

নিঃশেষশস্য ধূ-ধূসর চরে,
চাষা গতর ঢেলে'
চলে লাঙল ঠেলে,'—
যেন ঘুমন্ত মা'র বুক অঁচড়ে ছড়ে
কে ত্বরন্ত ছেলে
মাইএ তুধ না পোলে' ।
সেথা ফালের মুখে
ভাঙা আলের বুক
নিতি যে পথ ঘুরিয়া কিরে ইচ্ছা-সুখে ;

নূতন পথে

যেই চিকণ প্রভাতী পথ গোধূলি-বেলায়
খেই হারায় ফেলায়
ঠিক—ছপূরের চাষে তোলা মাটির ঢালায়,
ভর্—সঙ্ক্যায় আলেয়ায় হারায় যে দিক্—
আমি সে পাওটা-পথে একা হ'ব রে পথিক।

সঙ্কটময় ঐ নীল অচলে
গিরি—সঙ্কটে সঙ্কটে যে পথ চলে ;
দিন ছপ'রে অঙ্ককার,
সারে-সার দেওদার,
শাল-বট-গাস্তার-গহন-তলে—
তলে যে পথ চলে ;
যেথা নিবারে বারণ-বরে রণজীগিষু—
নিঃ—শঙ্ক সঙ্কীহীন সিংহশিশু ;
ঘোর ছর্গম বন্ধুর যে পথ ধোরে,
বনে বনাস্তুরে
ছুঁড়ে' হারানো শিকার একা ফিরাত ঘোরে ;
কালো বর্ষার বারিধার যে পথ কাটে,
যেই পিছল বাটে
যেতে বাজায়ে উপলঝাঁঝ চপল নাটে
চির—ছরস্ত ঝর্ণাও পা টিপে' হাঁটে ;

মরুমায়ী

যেই পথের ধারে
প'ড়ে পথের পাষাণ,
চির চোখের ধারে
করে দুখের আসান্ ;
সেই চোখের জলে
যবে তুষার ফলে,
টাকে অচিন্ পথের রেখা তুহিন-তলে ;
যেই অচল-পথ-চলায় পিছল অধিক,
সেই পাওটা-পথের একা হ'ব গো পথিক ।

ওগো পথের সাথী,
রাজ—পথের সাথী !

আজ পাওটা-পথের পানে
টানে পা কেন কে জানে !
নূতন নিরাশে প্রাণ উঠেছে মাতি' ।

যত একা-চলা খেয়ালীর পায়ে উৎকীর্ণ
বঙ্কিম কামচর পথ সঙ্কীর্ণ ;
সাথের সাথীর ঠাই
সে পথের পাশে নাই,—
বিদায় বিদায় ভাই,
ছাইল রাতি,
হায় পথের সাথী !

শাওনরাত্তি

ওগো শাওনের রাত্তি যেয়ো না !
তারাহারা, কুণ্ঠিত, কালো মেখে গুণ্ঠিত,
নীল অঁখি মেলি' আর চেয়ো না !
যেয়ো না শাওনরাত্তি যেয়োনা !

মরুমায়ী

আজি ওই ঝর ঝর চিরন্ত নিৰ্ঝর,
দূর দূরান্তে ঝরে সঘনে ;
অন্ধ অনন্তের ক্রন্দনছন্দের
সাস্ত্রনা-গান উঠে গগনে !
র'য়ে র'য়ে সন্ সন্ অশান্ত সমীরণ,
চম্ চম্ তড়িৎ-চমক !
গর গর গর্জে গুরু দেয়া তর্জে,
চিত্তে লাগে ভীতির ধমক ।
কান পেতে শোন দেখি গগন-অরণ্যে কি
গর্জে শাবক-হারা বাঘিনী ?
ও কোন্ বেদিনী মেয়ে অমন কাঁছনি গেয়ে
খেলাইছে বিদ্যুৎ-নাগিনী !

তবু শাওনের রাতি যেয়ো না !
শঙ্কা-বিকল প্রাণে, ক্রন্দনে অভিমানে
ওই গান বৈ আন গেয়ো না !
হের, তোমারি চোখের জলে আমার ফসল ফলে,
মরা গাঙে ভাঙিছে ভাঙন ;
তোমার হতাশ-শ্বাসে আমার সুনিদ্ আসে
হে উদার ব্যথিত শাঙন !

শাওনের রাত্তি

যবে, গম্ভীর শ্যামকায় চঞ্চলা চমকায়,—
 রঙ্গ-আশা মানসে শিহরে,
রাগিয়া বিমুখ পিয়া, মেঘরবে কম্পিয়া
 চকিতে চাপিয়া বৃকে ধরে !

শোন শোন শাওনের রাত্তি গো !
এই যে নিবানু ঘরে বাতি গো !
অকূল ও কালো বৃকে এ তরী ভাসিল সুখে,
 ডুবে যদি কিই ক্ষতি তায় ।
হে মোর অনিদ-সাথী শাওনের শেষরাত্তি !
 পোহায়ো না, মিনতি তোমায় ।

নষ্ট-চন্দ্র

কৃষ্ণপক্ষে চতুর্থী তিথি সন্ধ্যা হ'তেছে পার,—
সারাদিন কেঁদে' ভাদ্রবধূর এখনও আনন ভার ;
অঁধার আকাশে নিরালায় বসে,'—আলুথালু তার বেশ,-
অঁখি মুছে' বধু বাঁধিয়া তুলিছে এলানো মেঘের কেশ ।

সহসা দিকের বাঁধে

উকি মেরে' লাগে অপকলঙ্ক চিরকলঙ্কী চাঁদে ।

খুলে' দেখি পঞ্জিকা,—

জ্যোতিষের মতে আজ রজনীতে নষ্ট-চন্দ্র লিখা !

নষ্ট-চন্দ্র

ছুটে' পলাইল সচকিতা বধু অঁধার অঁচল সারি',
উঠে এল চাঁদ আব্‌ছায়া তালবনের আড়াল ছাড়ি' ।
জ্যোৎস্না-উজল সুধা-ঢল-ঢল তরুণ মূর্তিখানি,—
দিকে দিকে দিকে তরুণী তারকা গুণ্ঠন দিল টানি' ।
ঘরের গৃহিণী বধুরে ডাকিয়া শাসন করিয়া কহে,—
এমনই কি কাজ ? নশ্চন্দ্রের রাতে কেউ ছাদে রহে !
চিরচঞ্চলা গুণ্ঠন-খোলা কিশোরী কুমারীদল
নত অঁখি ঢাকি' হাতের আড়ালে করে ঘোমটার ছল ।
বিরহিণী করে শয়নশিয়রে বাতায়ন দিতে যত্ন ;
সন্ধ্যা না হ'তে অর্গল দিল সস্ত্রীক স্মৃতিরত্ন ।
নির্জর্জন পথে চিররূপখোর চলে অচকোর চন্দ্র,
রূপ-মহলের অনন্দে আজ বন্ধ সকল রঞ্জ ।

ভরা বর্ষায় দেখিনি কখনো এহেন ফর্সা রাত,
'নীলাকাশে শুধু চতুর্থী চাঁদ করিছে অশ্রুপাত !
হেরি' তার দুখ ভারী হল বুক, ভাবিলাম মনে মনে—
নহি আমি খোসনামী কি কামিনী, তবে কেন অকারণে
অপকলঙ্কভয়ে সারারাত কাটাইব মুখ ঢাকি' ?
স্পষ্ট চাহিনু নষ্ট-চাঁদের নয়নে নয়ন রাখি' ।

চিরকলঙ্কী চাঁদ,

মনে হ'ল মোর শিরে কর রাখি' করিল আশীর্বাদ ।

মরুমায়ী

অপবাদে অপমানে,

নীল জলে সে যে ডুব দিল রাতে কখন তা কেবা জানে !
তখনো ধরণী কলঙ্কভয়ে চাহেনি ঘোমটা তুলে,—
প্রভাত-আকাশে মরা চাঁদ ভেসে' লাগে পশ্চিম কূলে ।

আরবার হ'ল দেখা,

মরা মুখে তার ছিলনাকো আর তিল কলঙ্ক-রেখা ।
সকল চিহ্ন লুপ্ত হইল ধু ধু ধু সূর্য্যোদয়ে ;—
বিশ্ব তাহারে দেখিল না ফিরে মিছে কলঙ্কভয়ে ।

কহিল সকলে,—গোপ্পদজলে হেরি' ঐ চাঁদ দৈবে
নিজে ভগবান হ'ল হয়রান,—তোমার কি অত সইবে ?

শুনে' হেসেছিলু আমি ;

সাথে হেসেছিল অন্তরে বুঝি মোর অন্তরযামী !
তখনো নষ্ট-চন্দ্রের গুণ বুঝি নাই সম্যক—
ব্রাহ্মণে দান করিনি, শুনিনি কাহিনী স্রমস্তক ।

তারপর হ'তে রটে বিধিমতে অপকলঙ্ক মোর ;—
কেহ বলে আহা অতি সজ্জন, কেহ বলে ডাহা চোর !
কেহ কহে ওটি আসল ভ্রমর, কেহ কহে ভীমরুল ;
কেহ বলে কুশ্মাণ্ডখণ্ড, কেহ বলে যুঁইফুল !

নষ্ট-চন্দ্র

বান্ধব অরি নির্বাক করি' রটায় বিজ্ঞ শঠে—
সবটা সত্য না হোক—তা বলে' যা রটে তা কিছু বটে !
বন্ধু আমার গোপনে রটান্—যা শোন সত্য সবই,
ও-ত যে সে নহে, মদনুগ্রহে ভাবী ও অভাবী কবি !

বন্ধুগো বহু কলঙ্ক বহি' হইল অহঙ্কার ;
তাই ভেবেছিলাম বহিতে পারিব অপকলঙ্কভার ।

আজি মিটিয়াছে খেদ,

বুঝিয়াছি প্রাণে কলঙ্ক আর অপকলঙ্কে ভেদ ।
অপরাধী চাঁদ চতুর্থাঁরাতে ডুবে' মরে' গেল বেঁচে !
আমার জীবনে পাকা কলঙ্ক প্রতিদিন নামে কেঁচে !
ব্যথিত বক্ষে বহি যে বন্ধু শত সত্যের ক্ষত,
কৌতুকে তাহে মিথ্যার নুন ছিটাইছ অবিরত !

মার্জনা আজ চাই,

শপথ তোমার, এ জীবনে আর চাঁদে চাহিব না ভাই !
নাস্তিক হয়ে নিস্তার ছিল, বুঝেছি অসংশয়,
নশ্চন্দ্রের দর্শন কভু ফস্কে যাবার নয় ।

শরৎ আকাশে

কাল নিশীথের গগনার্ণবে

তুফান উঠিল খুবই,

হ'য়ে গেল বুঝি বর্ষার শেষ—

মেঘের জাহাজ-ডুবি !

দীর্ঘ তাহার পাজরার কুচো,

জীর্ণ টুকরো হাল,

সারা রজনীর ঝঙ্কারত

ছিন্ন ভিন্ন পাল ।

শরৎ-আকাশে

মগ্নপোতের দিক্‌বিলগ্ন

ভগ্ন অংশ যত

আজি শরতের স্ননীল আকাশে

ভাসিছে ইতস্ততঃ ।

ওই অনন্ত নীল সমুদ্রে

আজিকে আমার মন

ডোবাজাহাজের খণ্ড ধরিয়া

করিছে সন্তরণ !

বাঁচিবার তরে অতিনির্ভরে

যারে করে আশ্রয়,

শুভ্র আশার অসার ভরসা

নীলে ডুবে হয় লয় ।

যায় ডুবে' যায়, পুনঃ ভেসে' হয়

যা পায় অঁকড়ি' ধরে ;

পার হবে বোলে অপার সাগর

প্রাণপণে সন্তরে ।

মরুমায়া

বর্ষার শেষ মেঘের জাহাজে
পাড়ি দিতেছিল যারা,
কাল শেষরাতে তরণীর সাথে
তলায়ে গিয়াছে তারা ।
আমি অভাগ্য শরৎ-প্রভাতে
একাকী ভাসিয়া চলি,
ক্ষুদ্র বাহুর লুক্ক তাড়নে
সাঁতারি' আপনা ছলি ।
রৌদ্রোজ্জ্বল হাস্য-নিষ্ঠুর
সুনীল মরণ-সিন্ধু,—
তারই মাঝে ওই হাবুডুবু খায়
নিরুপায় প্রাণবিন্দু ।

যুধিষ্ঠিরের স্বর্গারোহণ

কতদূর, আর কতদূর ?—মোর যাত্রার কোথা শেষ ?
স্বর্গ কি ওই জীবতরুহীন তুষারের মরুদেশ ?
জানি নিবিবে না প্রজ্জ্বলন্ত এ চিতের পরিতাপ,—
ভেবেছিছু তবু, মরণ আসিয়া জুড়াবে দেহের তাপ ।
এখন বুঝেছি প্রাণের আগুন এমনই ঘিরেছে দেহ,
শীতল করিতে ব্যর্থ হইবে মৃত্যু-পরশ-স্নেহ !

ওই চিরহিমময়

স্বর্গে পশিলে সশরীরে, যদি এ জ্বালা শীতল হয় ।

মরুমায়ী

হোথা কি ধরণী স্বর্গের লোভে উঠিয়া উদ্ধমুখী
শৃঙ্গে শৃঙ্গে তরঙ্গ তুলি' সুরপুরে দিল উকি ?
সেথা, স্বর্লোকে কি পড়িল চোখে, হতভাগিনীর ভাগ্যে ?
কোমল সে প্রাণ আজিকে পাষণ সীমাহারা বৈরাগ্যে !
অপার তাহার হিম-প্রান্তরে শুভ্র চিরতুষার
নিখিল অশ্রু জমাট করিয়া ঘুমায় নির্বিকার !
সব কলরব স্তব্ধ নীরব ;—ওই পথে যেতে হবে,
মর্তলোকের ব্যর্থতা যত বহিয়া সর্গোরবে ।

ধর্মের নেশা ছিল মোর যাই পাশার নেশার সনে,
তাই পাঁচ ভাই বনবাসে যাই অকাতরে, অকারণে ।
সে ধর্মবলে কুরুক্ষেত্র করিনু উত্তরণ,
ক্ষুদ্র ভারতে মহাভারতের করে' গেনু পত্তন !
এতদিন সাথে ছিল সেই ভাই,—মহিষী যাজ্ঞসেনী,—
দশ হাতে মোরা বেঁধে দিয়েছিলা লাঙ্ঘিতা তার বেণী ।
আজি কি তুষার-শয়নে শীতল হ'ল সে পুত্রহীনা ?
শিলা-সমাধিতে অভিমন্যুরে পার্থ ভুলিল কি না ?
হিম-ঝঙ্কার শাস্ত্র হ'ল কি ভীমের ভীষণ ক্ষোভ ?
সময় যে নাই ফিরে দেখে যাই, টানিছে স্বর্গলোভ !

অদৃষ্টে মোর লিখা,
লভিব স্বর্গ,—ধর্ম-মরুর অকরণ মরীচিকা !

যুধিষ্ঠিরের স্বর্গারোহণ

চলেছি চলিব একা ;—

তুষারের তীরে স্বর্গ-প্রাচীর ওই বুঝি যায় দেখা ?
দিকে দিকে দিকে ভাতিছে কি ওই দেবের তমুহ্যতি ?
বুঝি শোনা যায় ইন্দ্রসভায় অঙ্গুরী গায় স্তুতি !
চল চল মন, কেন অকারণ পিছে চাহ ফিরে ফিরে ?
পথে বিলম্ব ক'রোনা, স্বর্গে যাবে যদি সশরীরে ।

যদিও রে নিঃসঙ্গ !

পথের চিহ্ন-হীন প্রান্তরে তুষারে অসাড় অঙ্গ ;
মাঝে মাঝে বোধ হয় শ্বাসরোধ, শিলা-ঝড়ে দেহ বেঁধে ;
—কুরুক্ষেত্রে নরমেধ ? সে ত কেটেছে অশ্বমেধে !
ব্যাস ব'লেছেন আমি নিমিত্ত, ব'লেছেন শ্রীগোবিন্দ ;
চল চঞ্চল, রে অবিশ্বাসী,—বৃথা আপনারে নিন্দ ।

—এই ত স্বর্গদ্বার ;—

সশরীরে আমি প্রবেশিব, হায় ! সাক্ষী রবেনা তার ?
দ্রোণ-গুরু-স্মৃত অশ্বখামা, শুনেছি অমর সে ত ;
সঙ্গে আনিলে আমার স্বর্গ স্বচক্ষে দেখে' যেত' ।
—কে ডাকিছে পিছু ? ওরে কুকুর ! আজও সাথে আছ ভাই ?
সব ছেড়েছে রে এ যুধিষ্ঠিরে, তুমি তবু ছাড় নাই ?
এস গো বন্ধু, পুণ্যের বোঝা হ'য়েছে বিষম ভারি,
ক্রান্ত এ শির, চরণ অথির, আর যে বহিতে নারি ;

মরুমায়ী

ধর, ধর তার ভাগ,—

মোর মত দেখি তোমারও বন্ধু স্বর্গের অনুরাগ !
তোরে আশ্রয় করিয়া ঘুরিব স্বর্গের পথে পথে ;
গরুড়পৃষ্ঠে হেরিবে মুরারী, ইন্দ্র ঐরাবতে ।
ফেলিয়া মর্ত্যে ধর্ম্মার্জিত অমূলক অপবাদ,
চল চল সখা, মিটাই সকায়ে স্বর্গে যাবার সাধ !

এখনও যখন যুধিষ্ঠিরের

পিছন ছাড়নি ভাই,

কুকুর হ'লেও তুমিই ধর্ম্ম ;

সন্দেহ তা'তে নাই !

শর-শয্যায় ভীষ্ম

কুরুক্ষেত্রে চিরস্তব্ধ ভীষ্ম সমর-মন্দ্র ;
অস্তিম নতি লহ ভীষ্মের অস্তোন্মুখ চন্দ্র !
বংশের মোর হে আদি-দেবতা ! দাঁড়াও অঁখির আগে,
মরণ-পন্থে সস্তান তব শেষ স্নেহাশীষ মাগে ।

মরুমায়ী

তুমি জানো দেব, কোন গুঢ় খেদে শরের শয্যা পাতি'
শিশুর মতন কাটায় ভীষ্ম দিবসের পর রাতি ।

কেন একা অনাদৃত

আপনবংশ-ধ্বংসের মাঝে পড়িয়া জীবন্মৃত !
দেবব্রতের নিজ পৌরুষে অর্জিত অমরতা
হেলায় ফেলিয়া কেন চ'লে যাই,—তুমি জানো সব কথা ।

একে একে যবে সাত ভাই ডোবে জননীর স্নেহ-নীরে,
লীলাকৃতার্থ স্বর্গের মাতা স্বর্গে গেলেন ফিরে' !
বিশ্বুতি-তলে মা'র মুখখানি আজও খুঁজি, হায় মোহ !
দেবী হ'য়ে নরে গর্ভে ধরিল,—এই ত অনুগ্রহ ।
সেই জাহ্নবী মিটা'লেন ঝাঁর যুব-চিত্তের ক্ষোভ,
পরিণামে হায় জন্মিল তাঁর ধীবর-সুতায় লোভ !
বৃদ্ধ পিতার সে মন্ততার প্রায়শ্চিত্ত-আশে,
নবযৌবনে কামনা-নাগিনী বাঁধিলু সত্য-পাশে ।
রাজ্যের লোভে বংশে যাহাতে না ঘটে ভ্রাতৃদ্বন্দ্ব,
পণ কোরেছিলু—তুমিও তাহাতে সাক্ষী ছিলে ত চন্দ্র !

আজি শর-শয্যায়

মুঢ় কিশোরের সে দৃঢ় ছুরাশা মনে পড়ে' হাসি পায় ।

শর-শয্যায় ভীষ্ম

কৌরবকুল-গৌরব ভাবি' বিমাতার স্মৃতে পালি',
তুমি জানো দেব, কি অগৌরবে একে একে দিগ্নু ডালি ।
'চন্দ্রবংশ নিস্মূল হয়',—বিমাতা সাধিয়া কহে ;—
ইঙ্গিত বুঝি' কহিগ্নু,—'জননি, সে ত আমা হ'তে নহে' ।
বিস্ময়ে গুনি,—ব্যাসমুনি মোর ঋষিজ কানীন ভাই !
—যত তেজই হয় থাক্ অনলের পোড়াতে পারে না ছাই ।
খর দিবালোকে মিটে নদী-বুকে মুনির মনের আশ,
ধরণী সে লাজে আজও মাঝে-মাঝে টানে কুজ্জাটি-বাস !
শাস্ত্র ঘাঁটিয়া সম্মতি দিগ্নু, সহজ বুদ্ধি ঠেলে',—
আমার বংশে জন্মিল এসে অন্ধ পাণ্ডু ছেলে !
শোন দেব, মোর শরের শয্যা নহে নহে অকারণ,
কুলবধু নিয়ে সেই কদাচার, আজিও পোড়ায় মন !
অধর্ম হ'ত ! না হয় সেদিনই লোপ হ'ত কুরুকুল ;
সাথে সাথে যত ভারত-ক্ষত্র হ'ত না ত নিস্মূল ।

জ্যেষ্ঠ রহিল বন্ধ করিয়া আপন অন্ধ কারা,
যৌবনযোগে পাইল পাণ্ডু পিতৃব্যের ধারা ।
হীনবীৰ্য্য সে বসিয়া দেখিল বংশের অপমান,—
দেবতা আসিয়া যুবতী জায়ারে করিছে পুত্রদান !
ছিল বটে প্রথা পিতামহদের আনে ত্রিদিবের মেয়ে,
চতুর দেবতা প্রতিশোধ তাই দিল কি স্মযোগ পেয়ে ?

মরুমায়ী

দেব-কৃপালোভী তপঃসিদ্ধ মূর্খ মুনির বরে
ধর্ম আসিয়া অধর্ম করে মূঢ় মানবের ঘরে ।
ক্ষত্রিয় যুবা মরে ক্লীবহেন বনে রমণীর বৃকে !
পঞ্চ পুত্র সাথে ল'য়ে রাণী ফিরে এল অধোমুখে ।
পাঁচ জনে কহে পাণ্ডুশুতের পঞ্চ দেবতা পিতা !—
রোমে রোমে মোর শরের বেদন,—আজও তবু ভুলিনি তা' !

দ্বন্দ্ব বাধালো অন্ধের ছেলে দস্তী দুর্ঘ্যোধন ;—
মরণ-তোরণে কেমনে কহি তা একান্ত অকারণ ?
দুখ মোর এই—ক্ষত্রিয় হ'য়ে আশ্রয় করে ছল ;
মুগ্ধ আমারে কোরেছিল বটে পাণ্ডব-বাহুবল ।
আজিও ভুলিনি—পাঞ্চাল-ভূমে কৃষ্ণা-স্বয়ম্বরে
একক যুবক অযুত রাজায় বিমুখ করিছে শরে !
সে কি আনন্দ !—প্রভাতে যখন শুনিবু পার্থ সেই ।
সে যে কি লজ্জা !—দৃতমুখে যবে শুনি পরক্ষণেই—

মাতার আদেশ পেয়ে'

পাঁচ ভাই ভাগে বিবাহ কোরেছে স্বয়ম্বরের মেয়ে ।
হে কুলদেবতা ! তোমার অঙ্গে কত কলঙ্ক সহে ?
পঞ্চপতি কি কুলগত হ'ল ? ব্যভিচার কা'রে কহে ?
শুধু বংশের কল্যাণ ভাবি' সে বিষও কণ্ঠে ধরি ;—
শর-শয্যায় সবার পাপের প্রায়শ্চিত্ত করি ।

শর-শয্যায় ভীষ্ম

রাজ্য লইয়া কুরু-পাণ্ডবে আবার বিবাদ বাধে ;
দন্তে ধর্ম্যে পাশাখেলা চলে ! নীরব রহিনু সাধে ?
পাশার বাজীতে রাজ্য হারিয়া রাখিল পত্নী-পণ !
পুত্রলীপ্রায়' দেখিনু যা' সব করিল তুর্ঘ্যোধন ।
নির্বাক হ'য়ে ভাবিতেছিলাম ;—কোন্ লজ্জাটা ভারী ?
—পাশা জিনে' রাজা সভার মাঝারে উলঙ্গ করে নারী,—
না,—ব্যসনাসক্ত ধর্ম্য ওদিকে সত্যের অভিমানে
ক্ষত্র হইয়া দেখে,—পত্নীর কটির বসন টানে ?
ভার্গবজয়ী ভীষ্ম সেদিনও আবার করিল ভুল,—
না করি' অস্ত্রে কুরু-পাণ্ডব একসাথে নিশ্চূল ।
তাই সহিলাম—ফাল্গুনী যবে প্রতি ভুল গুণে' গুণে',
রোমে রোমে বি'ধে' দিল অপূর্ব শরের বর্ম্য বুনৈ' ।

কুরুক্ষেত্র-অবসানে দেব, আজও কি বলিতে হবে,
কৌরব ছাড়ি' কেন কুরূপতি বরে নাই পাণ্ডবে ?
কি নৈরাশ্যে রণভূমে পুনঃ বাহুতে পাইনি বল ?
দশ দিন ধোরে কেন কোরেছিনু শুধু যুদ্ধের ছল ?
বীর্য্য, সত্য, মনুষ্যত্ব—সবই যদি হ'ল ফাঁকি,—
মর্ত্যে কেবল অমরতা নিয়ে কতকাল বেঁচে থাকি ?
বৃথা যৌবনে কুল-কল্যাণে ত্যজিনু রাজ্যদারা ;
মিথ্যার তরে সত্য যে করে, সে হয় সত্যহারা ।

মরুমায়া

পাপকে পস্থা যে ছায় ছেড়ে, সে লভে না ত্যাগের পুণ্য,
দেব-লীলা ফোটে মানুষ যখন মনুষ্যত্ব-শূন্য :—
শিখণ্ডীপিছে পার্থ যুঝিছে,—হাসে হরি রথোপরে,
ভাগ্যে ভীষ্ম বর পেয়েছিল ইচ্ছামাত্র মরে !
তুমি কি বোঝনি কত দুখে আর স্পর্শ করিনি ধরা ?
অসহ যাতনা, তবু কেন নাই স্বর্গে যাবারও দ্বরা !
ওগো গগনের নীরব সাক্ষী ! তব বংশের শেষ
দেখে যা'ব বোলে শর-শয্যায় প'ড়ে আছি অনিমেষ ।

আজ সব সমাপন ;—

বংশের সাথে হ'ল নির্বাণ ভিতরে বাহিরে রণ ।
আঁধার নিশীথে তুমিও চন্দ্র চলিলে অস্তাচলে ;
ভীষণ শ্মশানে শবাসনে যত শ্বাপদের আঁখি জ্বলে !
শোণিতগন্ধী মহাপ্রান্তুরে বিমায় অন্ধ রাত্তি ;
দেহ খুঁজে' মিছে আত্মা ভ্রমিছে জ্বালি' খড়্গোৎ-বাতি !
দিগন্তে ফুটে তোমার মৃত্যুবীভৎস মুখছবি ;—
ও কি ও ! সহসা জলিয়া পলকে নিবিল কি শত রবি !
ঢাকে চারিধার সচল আঁধার, কল্লোল ক্রন্দন !
প্রলয়পয়োধি ভাঙে সৃষ্টির বেলা-বালু-বন্ধন !

শর-শয্যায় ভীষ্ম

ওকি দেখি পুনঃ ? পাণ্ডুভীষণ সে মহাপ্রলয় বারি
বটের পাতায় পার হ'তে চায় নিরুপায় কাণ্ডারী !

নারায়ণ ! একি দৃশ্য !

প্রলয়মাঝে কি বাঁচিল একাকী শর-শয্যায় ভীষ্ম !

ক্ষমা করো মোর ক্ষণিকের ঘোর হে কুলদেবতা মম !

মরণ-আহত বিহ্বলচিত ভীষ্মের ভয় ক্ষম ।

দক্ষিণপথে বিফল হইয়া, কাল হ'তে শুনেছি গো,—

উত্তরায়ণে ছুটিবে ভ্রাস্ত গগন-মরুর মৃগ ।

চির-তৃষার্ত্ত তেজ-জর্জর সেই তপনের সাথে—

জীবন ছাড়িয়া মরণ-পথের পথিক হইব প্রাতে ।

শেষবার মোর প্রণাম লহগো চন্দ্র অস্তগত,—

তুমি জেনে' গেলে কি শর-শয়নে মরিল দেবব্রত ।

दुःखेर कवि

आर ओरे गाल दियोना बहू, आजके शीतलावष्टी ;—
सोगार स्वरूपई ध्यान करे मूट कृष-कठिन कष्टि ।
यदिओ गिर्ण्टि ओ कालो फलके लिखे ना रडिन् लिखा,
बुकेर अतले अपलक जले सोगार स्वप्नशिखा ।
ओ नाकि शपथ कोरेछे,—‘कपाले ना जूटिले खांटी सोणा,
आभरणहीन केँदे याक् दिन, खादे कडु डुलिव ना’ ।

ছঃখের কবি

কত ভালবাসে বনফুল সে যে, প্রভাতপাখীর গানে,
কত ভালবাসে রবিশশীতারা,—তারাই বুঝি তা জানে ।
ভালবাসে বলে' সবে প্রাণ খোলে, স্নেহ-লাঞ্ছনা সহে ;
যে গোপন ব্যথা কা'রে কহেনা, তা' ওর কানে কানে কহে ।
ওরই শিরোনামে সুগন্ধি খামে যুথিকা জানায় জ্বালা,
তাই সে কণ্ঠে পরিতে চাহে না টাটকা গোড়ের মালা ।
তারার কিরণ সাঁতারিয়া আসি' কোটী ক্রোশ শীতলতা,
আত্মীয় জেনে কহে তার কানে দারুণ দাহনব্যথা ।

সজল মেঘস্তরে

শুভ্র রোদ্দ রক্ত ব্যথার পশরাই খুলে' ধরে ।
মুমূষু' চাঁদে বুকে ঢেকে' কাঁদে কৃষ্ণ বাদলরাতি ;
উপোসী রূপের অন্তঃপুরে কেঁদে' জ্বলে মোমবাতি ।
আপন কণ্ঠে অনুখন তার ক্রন্দন উঠে, তাই—
যত কান পাতে শোনে দিনেরাতে অফুরাণ কান্নাই ।
কাঁদে বোলে ওরে ষষ্ঠীর ভোরে গাল দিয়ে কিবা ফল ?—
কত না প্রলেপে ধরা বুকে আজও তিনভাগই লোণাজল ।

সেদিনও বন্ধু মেপেছ ত তা'র অতল অশ্রুরাশি,
জান ত ঘুমায় পাতাল-তলায় কত ছল'ভ হাসি !
সাধ্যমত সে অশ্রু সঁচিয়া, ভুলিতে ভোলাতে জ্বালা,
বিদ্রূপে বি'ধে' চাহিল গাঁথিতে নিটোল হাসিরই মালা ।

মরুমায়া

দুখ তার এই,—বন্দীকণ্ঠে মালা হয় বন্ধন !
কঙ্কণরূপে শৃঙ্খল আসে, হাসিরূপে ক্রন্দন !
একি যৌবন ?—আজ বাদে কাল করে যে জরার ঘর !
এই কি জীবন ? প্রতি প্রশ্বাসে মরণে যোগায় কর !
ভক্তি প্রেম কি দণ্ডের তালে শ্রীচরণে মাথা ঠোকা ?
মুক্তি কি এই ?—দড়া ছিঁড়ে' ছুটে' সাকিম খোঁয়াড়ে ঢোকা ?

বন্ধু, তবু সে ছাড়েনি যখন রূপরসগন্ধামি,—
সে তোমারই অনুকম্পান্বিত ছন্দানন্দস্বামী !
ক্ষম শুধু ওর যৌবনভোর প্রেমের মুক্তি চাওয়া,—
গোলাপ-ধাঁধার পাকে-পাকে-কাঁদা অন্ধ গন্ধ-হাওয়া ।—
ক্ষমা কোরো ওর সন্ধ্যার ঘোর, ছুরাহ আকিঞ্চন,—
মরীচিকা-পান-মত্ত মৃগের আলেয়া-আলিঙ্গন !

তো'হেন বন্ধু বিগড়ালো যার, কি তার গ্রহের ফের !
আছে ত জানাই যাবে প্রাণটাই টেনে' বিরোধের জের ।
মিছে অভুক্ত সাধের জীবন কেঁদে' করে বর্বাদ ;
বাঁধাদাঁতে মূঢ় মিটাক্ না গূঢ় মাংস খাবার সাধ ।
ষষ্ঠীর দিনে ঠেলি' পঞ্চাশ বাসিব্যঞ্জনথালি,
ফুটায়ে দুমুঠো স্বপাক সে মিছে কুড়ায় পাড়ার গালি ।
তুমিও বন্ধু রুষ্ট হ'লে যে বুঝেছি সে কোন্ দোষে,—
অন্ধ হ'য়েও ভিখ্ মাগিল না, কেমনই বা অন্ধ সে !

পিছুহটার গান

পিছু হট পিছু হট ভাই !
না হটিয়া পিছে আগে ছুটে' মিছে—
ঘটায়ো না সঙ্কট ভাই !

ভবসংগ্রামে হাঙ্গাম দেখে'
হটে' এসে' উঠে বুদ্ধ ,
পিছু হটে' হটে' ফরাসীয় মাঠে
ফতে হ'ল মহাযুদ্ধ ।
হটিতে হটিতে মহাত্মা গান্ধি
হাঁটুর উপরে উঠালেন খাদি,
অসাধ্য কাজও হটযোগে আজও
ঘটে' যায় পটাপট ভাই ।

মরুমায়া

কুরুক্ষেত্রে মেলিয়া নেত্র
হঠাৎ হটিল পার্থ,—
তাইত কলিতে অলিতে গলিতে
গীতোক্ত পরমার্থ।

পিছুহটনের গুহ সূত্র
কিছু লিখে' গেল চণকপুত্র,—
শিং আছে যার যেোনাকো তার
দশহস্ত নিকট ভাই।

সম্মুখ টানে সঙ্কটপানে,
ধু ধু কর্মের মরুপথ ;
পিছে বাপ দাদা কোরে গেছে কাদা
সেথা চেপে বসা নিরাপদ।
বিষ্ণুশর্মা কহে মারি বেত্—
'গণস্যাগ্রে নহি গচ্ছেৎ' ;
গণতন্ত্রীয় এ মূলমন্ত্রে
পিছু হ'তে ঘাড় মটকাই।
কার ঘাড় ?—...ড্যাস্ ডট্ ভাই।
পিছু হট্ পিছু হট্ ভাই।

ছুটি

এ সভায় আমি কেন এসেছি, কি জানি কি ছিল কাজ ?
ফিরে যেতে যদি কর অনুমতি, ফিরে যাই ভাই আজ ।
মুখে সদা হাসি, ভালবাসাবাসি, বুকে কোনও ব্যথা নাই ;
চিরউৎসব বেণু-বীণারব,—হেথা কোথা মোর ঠাই ?
চোখে যার জল, বুকে যার জ্বালা, সে কেন এখানে আসে ?
বন্ধুত্বের খাতিরে বন্ধু, দাঁত মেপে' কত হাসে ?
ঘরের খবর হে বন্ধুবর, সকলই তো তুমি জানো ;
ধনী-সুহৃদের সুখ-মজলিসে, দীন-হীনে কেন টানো ?

মরুমায়ী

ভাবি শিখে' নেব বামুনের প্রেম ;—হাতে যে চাষার কাস্তে !
এমনি বরাত হয় লোহ-পাত, সোহাগ করিলে আস্তে ।
যত প্রাণপণ করি আলাপন, বিড়ম্বনাই ঘটে ;—
যত মোলায়েম করি শেখা প্রেম, সখাসখী তত চটে ।
এই ঢাকাঢাকি, মুখে বুকে ফাঁকি, এ কালী ছরপনেয় ;—
আনন্দ-হাটে অশ্রু কি কাটে ? আমার ফেরাই শ্রেয়ঃ ।

মর্ষ যাহার চোরা জৌ-গৃহ, ধর্ষ যাহার জ্বলা,
মুখে খুলে রেখে হাসির ফোয়ারা মিছে ঘরে পরে ছলা ।
ধরণী-গর্ভে অরণি করিয়া কত না তপস্যা যে,—
পাথর হ'য়েও পাথুরে কয়লা লাগে জ্বালানিরই কাজে !
হে তপন, মোর চিত্তগগনে দোলে যে ইন্দ্রধনু,
অশ্রুবিম্বে প্রতিবিস্তিত তোমারই দন্ধ তনু ।

সে সকল কথা থাক্—

অসময়ে ছুটি, না লইয়ো ক্রটি ; অভাগা ফিরিয়া যাক্ !

ছরস্তু মন মানেনা শাসন, ছঃশাসনের মত
রহস্যময়ী প্রকৃতির ঐ বসন টানিতে রত ।
জানি জানি জানি, মানি মানি মানি,—পঞ্চ পতির সতী
অফুরান্ তব মায়ী-আবরণে আবৃত্তা ভাগ্যবতী ।

ছুটি

যত টানি তার বাস,—

জীবনাঙ্গনে পুঞ্জিয়া উঠে রঙা মিথ্যার রাশ ।
কার পরাজয় পরিণামে হয়, তাও জানে মোর মন,
পতিকরে পুনঃ ক্রুদ্ধা সতীর হবে বেণীবন্ধন ;
রগভূমে পাড়ি', কাঁচা বুক ফাড়ি' উষ্ণ-রক্ত-পান !
অমৃতসমান হবে সেই গান, শুনিবে পুণ্যবান ।

এত ঝঞ্জাটে কাজ কি বন্ধু ?

সময়ে বিদায় চাই ;

লহগো প্রগতি, দেহ অনুমতি,

মানে মানে ফিরে' যাই ।



পাষণ-পথে

জ্যৈষ্ঠতুপুর চাপিয়া ব'সেছে সেরা সহরের বুকে,
ইট-পাথরের বিরাট নগর জ্বরঘোরে যেন ধুঁকে ।
আল্‌কাত্‌রার তপ্ত প্রলেপে কাত্‌রায় শিলাপথ,
গলিত সে 'লাভা' দলিত করিয়া চলিছে অগ্নিরথ ।

তড়িৎ-পক্ষভরে

রুদ্ধ-শাসি ঘরের গুমোট ঘরেই ঘুরিয়া মরে ।
পথের দু'ধারে জনতাশূন্য সাজানো পণ্য-বীথি,—
পাষণে বাঁধানো তা'রি ফুটপাথে মোর আসা-যাওয়া নিতি ।

পাষণ-পথে

পাষণের বুকে,—যেতে যেতে ভাবি জ্যৈষ্ঠদুপুরবেলা,—
বকুল রোপিল কোন্ অরসিক পথ-কর্তার চেলা ?
কানন-রাণীর শিশুকন্যায় হরণ করিয়া কেবা
লোহার খাঁচায় মানুষ করিয়া করায় পথের সেবা ?
ছায়া বাড়াইয়ে যত পথ-তরু দাঁড়াইয়ে সারে সার,
তারি মাঝে হায় বকুলও বিলায় লাজুক গন্ধ তার !
শ্যামল বনের অমল স্মৃতি কি ফুলে ফুলে আজও ফুটে ?
নবতৃণতরে যে চুষ্ব ঝরে,—তপ্ত পাথরে লুটে ।
মনে নাই তার বনের বর্ষা, শোনেনি সে কুহ্তান,
দলে দলে কাক ডালে ডালে বসি' করে তা'রে অপমান ।
আকাশের চাঁদ কখন উঠিয়া কখন যে ফিরে ঘর,—
পাষণ-কারায় ফাঁক নাহি পায় বুলাইতে স্নেহকর ।
ঈশানের মেঘ বিষণ বাজায়, পূবে-মেঘে বারি ঝরে,—
জন-শ্মশানের পাষণ-সোপানে বকুল বুরিয়া মরে ।

জ্যৈষ্ঠদুপুরে শ্রেষ্ঠ সহরে পথ চলি আর ভাবি,—
কত না বকুল দিল তার ফুল মিটা'তে নরের দাবি !
কত না বকুল দিল তার ফুল, কত ফুল দিল গন্ধ !
দেবে-নরে মিলে' ফুলের কপালে লিখে দিল সেবানন্দ ।
আণ-লোলুপের করে প্রাণ সঁপা,—সেইত চরয় সুখ,
ফুল-জীবনের পরম স্বর্গ মিলন-মথিত'বুক !

মরুমায়া

যদি সে মোক্ষ চায়,—

ভক্তজনের অঞ্জলিপুটে লুটীক্ দেবতা-পা'য় !
নির্যাতনের যতনে ভুলায়ে এইমত বারমাস
ভক্তিবিলাসী বিলাসভক্রে চালায় ফুলের চাষ ।
প্রতি সন্ধ্যায় কোটী কুমুমের অকাল মরণ পাতি,
ঘরে ঘরে নামে খাঁটি স্বর্গীয় প্রেমের কামুক রাতি ।
ভোরের ভক্ত গুণ গুণ গাহি' বোঁটা হ'তে ছিঁড়ি' ছিঁড়ি,
চন্দন বাঁটি' ফুলে ফুল আঁটি' গাঁথে স্বর্গের সিঁড়ি ।
এত শোভা এত মধু এত বাস বিফলে কেন বা যাবে ?—
—অবলা ফুল যে কি বলিতে ফুটে, সে কথা কে কোথা ভাবে ?

পাষণ-পথের বকুলগন্ধে সহসা লাগিল হাঁফ,—
বুঝিছু,—এ চির প্রবঞ্চিতের মর্ষের অভিশাপ !
ফুলের গন্ধ নাই নাই ভাই,—কোমলের ব্যথা যত
কঠিনের বুকে বিফল ঘা দিলে লাগে গন্ধেরি মত !

ছাতার কথা

বহুদিন দেখা হয়নি যে সখা, এস এস বস ভাই !
ঘটেছে একটি ছোট্ট ঘটনা, তোমারে শোনাই তাই ।
সেদিন বন্ধু, সজলমেঘেমেঘুরান্বরতলে
ভাড়া-নৌকায় হারা'লু' ছাতাটা ভাদুরে গাঙের জলে ।
ছত্রবিহীন ভাঙা সে তরণী, উপরে ও নীচে জল,—
ছত্রমাথায় এক কোণ ঘেঁসে' ব'সে আছি নিশ্চল ;—
অঝোরে ঝরিছে বাদলের ধারা, ঘনায় আসিছে রাত্তি,—
আচম্কা এক দম্কা হাওয়ায় উড়াইয়ে নিল ছাতা ।

মরুমায়া

মাথা ছেড়ে ছাতা উড়িয়া পড়িল ভাদুরে গাঙের টানে,
দু'বার নাড়িয়া অসহায় বাঁট তলাইল কোন্‌খানে !

‘ধর ধর ধর মাঝি !’

দুকূল-হানা সে গাঙে ঝাঁপ দিতে অঁধারে কে হবে রাজি ?

ভাবি’ নিজ বেয়াকুবি—

নিরুপায় হ’য়ে বসিয়া বসিয়া দেখিলাম ছাতাডুবি !

বাদরের ধারা অধিক আদরে নামিল নগ্ন শিরে,
মেঘ-পারাবার করে পারাপার বিদ্যুৎ ফিরে ফিরে ।
মুখে ফেণা উড়ে, ঘূর্ণীতে ঘুরে’, বাঁকে বাঁকে মাথা কুটে’,
কুটোখানি কেটে’ দু’খানি করিয়া খরধার নদী ছুটে’ ।

তারি বুকু ধীরে ধীরে

জল সৈঁচে’ সৈঁচে’ উজায় তরণী লগি ঠেলে’ তীরে তীরে ।
ঝোপে ঝোপে তটে অশথে ও বটে বাড়াইয়ে কালো মুখ
অন্ধ-রাতের বাসিন্দা যত চেয়ে দেখে কোঁতুক ।

বন্ধু বন্ধু হায় !

দিনের গরম কেটেছে তখন, কেঁদে মরি ভিজ়ে গায় ।
যত চলি আর তত ভিজ়ি ভাই, যত ভিজ়ি তত কাঁপি,
ভাড়া-করা ভাঙা তরীর বুকুর সৈঁউতিতে জল মাপি !
নায়ের তলায় ঢেউএর বসতি, ঢেউএর তলায় জল,
কে জানে কোথায় ছাতার বসতি সেই অতলের তল !

ছাতার কথা

পেটের উপর বুকের বসতি, বুকের উপর মাথা,
তাহারও উপর সুখের বসতি, মাথার উপর ছাতা।
সে ছাতা কাহারও অমল ধবল, কারও বা তা নিস্কালি,
কারও বুলে তাহে মতির ঝালর, কারও খুলে পড়ে তালি।
রোদে আর জলে, খরা কি বাদলে, সমান সাথের সাথী,—
অজানা নদীতে উজানি' চলিতে খোয়ালাম হেন ছাতি !
হোক্ শত-তালি, ছিল সে মাথালি মাথার দুখের দুখী,
আজ তারে ফেলে', লগি ঠেলে' ঠেলে' হইলাম ঘরমুখী।
শুধু মনে পড়ে বাদলের ঝড়ে অকূলে সে উড়ে' পড়া,
অতলের টানে প্রাণপণে তার আকাশ অঁকড়ি' ধরা !
চির-সেবাতুর জনের সে ব্যথা আজ বিঁধে বড় বুকে,—
রোদে জলে দেহ জর্জর, তবু কথাটি ছিল না মুখে !
নূতন ছাতার সাধ নাই ভাই, প্রতিজ্ঞা করেছি যে,—
এবারের মত বাকি বর্ষাটা কাটাইব ভিজ়ে' ভিজ়ে'।
বন্ধু, বন্ধু, ভুলায়ানা দিয়ে নূতন সুখের শ্রীতি,
নানান্ দুখের তালিদেওয়া সেই হারাণো সুখের স্মৃতি !

কেতকী

এ বাদলরাতে কেন গো বন্ধু আমার শয়নঘরে ?
মোর মত কি গো নিদ্ নামিল না তোমারও নয়ন-'পরে ?
বাহিরে সহরে কাঁদিছে বরষা, ভিতরে ব'স গো ভাই !
আব্ছা অঁধারে শোনাই তোমারে কেন চোখে ঘুম নাই ।

কেতকী

সহরের মাঝে নামিল পশলা, সাঁঝে ফিরিতেছি বাসা,
দেখিতে দেখিতে রাজপথে-পথে জল জমে' গেল খাসা ।

বৌবাজারের মোড়ে,—

যেখানে ফুলের দোকানের পাশে কসাইএ মাংস খোড়ে,
যে চৌমাথায় মাথা ঘুরে যায়, পা পায় না খুঁজে' পথ,
যেথা যাবতীয় রথের সারথী বারেক থামায় রথ,
যেখানে বন্ধু,—থাক্ বর্ণনা, আসল কথাই কহি,—
পৌঁছিয়ে সেথা সহসা কি ব্যথা উঠে যেন বৃক বহি' !
বাদল-মাথায় দাঁড়ানু ক্ষণেক,—ঘুচিল মনের সন্দ,—
আমার বৃকের ব্যথা নহে, এ-ত বন-কেতকীর গন্ধ !
ইতি উতি চাহি' পড়িল নয়নে, বুড়ির উপর উচ্চ
মালীর মাথায় কুড়ি দুই দেড় কেয়া-কুসুমের গুচ্ছ ।
আসি' কাছাকাছি ওরই মাঝে বাছি' কিনে' ফুল তাড়াতাড়ি
বর্ষার সাঁঝে আগাগোড়া ভিজি' খুসিমনে এনু বাড়ী ।

শয়নঘরের হুকে

ছিন্নবৃন্ত বনের কেতকী ছলিল মনের সুখে ।

বাহিরে তখনো ঝরিছে বর্ষা, থাকে থাকে ডাকে দেয়া,
ভিতরে আমার শয়ন-শিয়রে গন্ধ ছড়ায় কেয়া ।
রাত দু'পহর, স্তব্ধ সহর, কাঁদে নিশি নিশ্চন্দ্রা,
কেতকী-গন্ধে কত কি ভাবিতে এসেছিল বুঝি তন্দ্রা ।

মরুমায়ী

... .. কে জানে সে কোন্ বনে,
কাঁটার আড়ালে উঠেছিল ফুটে' অঁধারে সংগোপনে !
শ্যামপাতে ঢাকা শ্বেত কিসলয়, তাহে ঢাকা পীত রেণু,
শ্রাবণ-সোহাগে যৌবন জাগে বাজে গন্ধের বেণু ।
এল বায়ুরথে মত্ত ভ্রমর নূতন মধুর লোভে,
তরুমূলবাসী বিষভূজঙ্গ ফণা তুলে' ফোঁসে ফোঁভে ।
বাদল দারুণ, বিধি অকরুণ,— কি হ'তে কি হ'ল হয় !
গন্ধ ধরিয়া সহরের মালী গ্রাম ছেড়ে বনে যায় ।
উড়িয়ে ভ্রমর মারি' বিষধর সহরের পাকা মালী
বৌবাজারের মোড়ে বিকাইতে কেয়ায় ভরিল ডালি ।
তারি মাঝে যারে বাছিয়া আদরে আমি আনিলাম ঘরে,
এ বাদল রাতি যারে করি' সাথী কাটাই কাব্যভরে,
যার গন্ধের আনন্দে মোর নয়নে তন্দ্রা লাগে,—
না জানি কি ছুখে সে তরুণ বুক মরণের লোভ জাগে !
আধঘুমে চাহি' দেখিনু চমকি'—ঝুলিছে সর্বনাশী
নিজ অঙ্গের নীলাশ্বরীতে কণ্ঠে লাগা'য়ে ফাঁসি !
কসিয়া কোমর বাঁধা,
অলকগুচ্ছে আধঢাকা মুখ অস্বাভাবিক সাদা !
তোমারই শপথ, কহিনু সত্য,—দেখিলাম প্রাণবন্ধো !
দেয়াল ধরিয়া বেড়াইছে ঘুরে' মৃত কেতকীর গন্ধ !
হাঁকিল পাহারা,—উঠি' ধড়মড়ি ছ'হাতে খসানু ফাঁসি,—
ঝর ঝর ভুঁয়ে ঝরিয়া পড়িল শুষ্ক পরাগ রাশি !

কেতকী

কাঁটা বিঁধে' হাতে বুঝিছু,—স্বপন, আমারই মনের ভুল ;
ছপ'র রাতের ঘুম মাটি করে ছ'পইসে কেয়াফুল !

সে হ'তে বন্ধু হয় !

এমন ঠাণ্ডা বাদল রাতেও জেগে' বসে' আছি ঠায় !
বনের বেদনা পথে বিকাইছে,—কি মোর কপাল-ভোগ,—
গন্ধের লোভে কিনে' এনে ঘরে ধরে অনিদ্রারোগ !
চোখে মুখে গায়ে কে যেন মাখায়ে দিয়েছে লঙ্কাবাঁটা,
বুকে ফুটে আছে কেয়ার গন্ধ হাতে ফুটে আছে কাঁটা ।
বাহিরের জ্বালা জ্বলায় ভিতর, ভিতর জ্বলায় বা'র,—
—জ্বলে স্তম্ভিত বিদ্যুৎ-বাতি পথে পথে সারে সার ।

ওগো জাগরণ-সাথী !

কখন কাটিবে অনিদ্র-রাতি এ, নিবিবে পথের বাতি ?
রিম্ ঝিম্ ঝিম্ ঘুমায় যামিনী, আমি কান পেতে থাকি,
যদি ডেকে উঠে অরুণ-বিহীন ভোরের করুণ পাখী !
ঘুম ঘুম ঘুম,—কোথায় বা ঘুম ? হয় গো বন্ধু হয় !
বাদল-মেঘেতে অস্ত-চাঁদের আঁদল কি দেখা যায় ?
নয়নের নিদ্ নয়নে রুধিতে আঁখিপাত মুদি মিছে,—
অন্ধ আকাশে উড়েছে সে কেয়াগন্ধের পিছে পিছে ।

মরুমায়ী

পথে পথে রাতে এই বর্ষাতে তুমিও যে ঘোর' ভাই,
তোমারেও তবে ধোরেছে বন্ধু আমারই অনিদ্রাই !
মেঘে আর ঘুমে, ঘুমে আর মেঘে ডুবে গেছে যত তারা,
কোন্ কেতকীর শোকে গো বন্ধু তুমিও নিদ্রাহারা ?

লীলাকীর্তন

জীবনে আমার যত না দ্বন্দ্ব,—কবি-অকবির লীলা এ ;
বিচিত্র তব লীলার ছন্দে দেখ ত বন্ধু মিলায়ে ।
পঞ্জরমাঝে খঞ্জনী বাজে, এস অন্তর্যামী গো !
অন্তরে বসি' লীলাকীর্তন করি আজ তুমি আমি গো

মরুমায়ী

ভাবের আকাশে কল্পনারথে বন্ধু গো, রাতছপুবে
গীতলোকে উড়ি' সুর-অঙ্গরী নাচাই ছন্দ-নূপুবে ।
রসের সাগরে পাল তুলে' ধোবে মানিনা হালের যুক্তি ;—
অপরূপ-লাভে বঞ্চিত, শেষে রূপসাথে করি চুক্তি ।
তনুর ভাঁটীতে অতনু-লাবণি, ফেনায়ে উঠে যা সত্ত,
লক্ষ সূক্ষ্ম পরশের নলে চুঁয়াই তা হ'তে মত্ত ।
করি' নব নব ফন্দি,—
ফুলের বাহির করিয়া গন্ধে করি তারে শিশি-বন্দী ।
অরূপ-কোঠায় উঠিতে রূপের চোরাসিঁড়ি রাখি লাগায়ে ;
যৌবনমধু লেহিয়া লেহিয়া প্রেমতৃষা রাখি জাগায়ে ।
তুচ্ছে ধরিয়া উচ্চ করিতে লীলা, মোর লীলা, অপরূপ !
বাঁটা গন্ধের প্রলেপে ডুবায়ে ঝাঁটার কাটিতে গড়ি ধূপ ।
মিলন-যামিনী বিভোর করিতে শয়ন-শিয়রে উক্ত
ধূপের কপালে আগুন জ্বালায়ে গন্ধেরে করি মুক্ত ।
কোলের সেতারে ঘা দিয়ে কাঁদায়ে বেতারে ছড়াই সঙ্গীত ;
অতলের তলে মুক্তা কাঁদিলে ঝাঁপ দি' হারায়ে সম্বিৎ ।
প্রিয়াকণ্ঠের মিনতি যে অতি-অবশ্য-প্রতিপাল্য,—
সাগর-সেঁচা সে মুকুতার পাঁতি সূচে বিঁধে' গাঁথি মাল্য
ফণীর ফণার মণি জিনে' আনি' সাজাই রমণী-অঙ্গ ;
মথুরার পাটে বসে' হেরি পুনঃ ব্রজের আগুন-রঙ্গ ।
পূণিমারাতে দোললীলা মাতে, অমায় দীপালি-লীলা গো !
—আছাড়ে পটুকা বানাই পটাসে মিশায়ে মনঃশিলা গো !

লালাকান্তন

চিরদিনই আমি খাঁটি ভক্তের অকপট-চাটু-মুগ্ধ,
ভক্তির ফাঁসে বাঁধি' ভগবতী ফুঁকায় দুহাই দুগ্ধ ।
কীৰ্ত্তনাবেশে নাচিয়ে বাজাই মরা চামড়ার খোল গো,—
কসাইখানার লভ্য খসায়ে বসাই পিঁজুরাপোল গো !
দুচোখে কুড়ায়ে শারদ-স্বৰ্ণ-সায়াহু-সৌন্দর্য্য,
সন্ধ্যা উৎরে' প্রাণ-বন্ধুরে দিই বন্ধকী কর্জ ।

লীলা এ সকলই, লীলা এ,—

কাঁচায়ে নামাই পাকা ঘুঁটি, কভু পাকাই কাঁঠাল কিলায়ে ।

অজানিতা-হৃদি-হরণ-কারণে ভাগীরথি হ'তে ভল্গা
স্বৰ্ণমৃগীর সোয়ার ছুটি গো বাগায়ে লোহার বল্গা ।
লীলাবিলাসী এ মানস আমার কভু গৃহকোণে তুষ্ট—
অনামিকামূলে নামজপ শুরু করে বৃদ্ধাঙ্গুষ্ঠ !
অপাওয়া প্রিয়ার রূপায়ন করি কত রূপকের ছদ্মে ;—
মনের পুকুর পক্ষে ভরাই ফুটাইতে মুখ-পদ্মে ।
অগমনীয়ার গমন-স্মরণে বনের মরালী পুষি গো ;
অধরা বধুর অধরের ভুলে তেলাকুচো তুলে' চুষি গো !
—আর্জ্জ অন্ধ চিত্তগুহায় লীলাভুজঙ্গী দোলে রে !
মাথার মণির পাণ্ডু আভায় কুণ্ডলী বাঁধে খোলে রে !

মরুমায়া

কল্পতরুর ডাল নোয়াইয়ে ফাগুন-আকাশে ফুল পাড়ি ;
মেঘলা মনের ভাঙা কুঠারিতে পুরাণো স্মৃতির ঝুল ঝাড়ি ।
ঘরের বাঁধনে বাহির বাঁধিতে সাধিয়া বেড়াই ঘর ঘর,
পরকে আপন করিবার লোভে, আপনেরে করি নিস্পর ।
প্রেমবীক্ষণে বিশ্বের মাঝে নেহারি বিশ্বভিষ্ম ;
জগন্নাথের কাঠামো গড়িতে কাটাই আকাঠা নিষ্ম ।
অসীমের সাথে সীমারে মিলাতে কত কব যত লীলা গো ?
ঘরে পুষি ব্রহ্মাণ্ডেশ্বরে কিনে' শালগ্রাম-শিলা গো ।
অমৃত-পথের সন্ধানে হেন ঘুরিতে ঘুরিতে মর্ত্যে,
পিছলি' অকবি পড়ে যে কবির গভীর কীর্তি-গর্ভে !

তোমারই লীলায় মিশানু বন্ধু,
আমার লীলার ভোল এই ;—
সাজ কোরে এ লীলাকীর্তন
এস গোলে হরিবোল দেই ।

মহারাজ (মণীন্দ্রচন্দ্র)

একথা জানিতে তুমি, দীন বাংলার মহারাজ !
বাঙ্গালীর দুঃখ-দূর,—বিধিরও অসাধ্য সেই কাজ ।

শুধু তার দৈন্তের বেদনা

তব দানে লজ্জা পা'ক,—এই ছিল তোমার সাধনা ।

রাজশক্তি বজ্রসুকঠিন

যে দেশে মানুষে নিত্য করিতেছে মনুষ্যত্বহীন,

সেথা তব ভাণ্ডারের ধন

অর্কবুদ মূমুর্ষুদেহে রক্ষিতে জীবন

পারে কতক্ষণ,

এ কথাও বুঝিতে রাজন্ !

মরুমায়া

তবু ভেবেছিলে,—

ভিক্ষুকের যদি লজ্জা হয়, তুমি তব সর্বস্ব সঁপিলে' ।

যদি কোন দিন

ভিক্ষাহীন,

সন্ধ্যামুখে ফিরিতে কুটারে,

তিমিরের তীরে

অকস্মাৎ ফিরে' পায় জ্ঞান,—

দাতার দানে বা প্রত্যাখ্যানে আত্মার সমান অপমান ;—

যদি শির তুলি' পূর্ণ-আশে

সহসা সে

থমকি' জীবন-তটে চেয়ে ছাথে উন্মুক্ত আকাশে ;

যদি পদতলে

কঠিন মৃত্তিকামাত্র ভর করি' দলে দলে দলে

রাত্রে পথ চলে ;—

তবে

যা হবার হবে,—

থাকে থাক্, যায় যাক্ চলি'

লক্ষ্মীর বঞ্চনাময় সুসঞ্চিত কাঞ্চনের থলি,

হয় হস্তী পদাতি পুত্তলি ;

থাকে থাক্, যাক্ যায় যদি,—

ঋণ-শ্রোতে ভেসে যাক্ ভাগ্যশ্রোতে ভেসে-আসা গদি !

মহারাজ

শুধু থাক্,

শুধু থাক্,—

অক্ষম দেশের 'পরে আত্মীয় আত্মার অভিমান,—

পাত্ৰাপাত্ৰ-নিৰ্বিচারে দান !

তোমার বৃকের লজ্জা বাঙ্গালীর মর্মে বি'ধে' থাক্ ;—

যা'র ঘরে ঘরে

নিষ্কর্ম দরিদ্র পিতা ভিক্ষা সার করে

অপত্যের অন্নমুষ্টিতরে ;

যাহার সম্মান

ভিক্ষাভিন্ন নারে রক্ষিবারে জননীর কটির সম্মান ;

শিক্ষকেরা যা'র শিক্ষালয়ে,

বিলায় ধিকৃত শিক্ষা ভিক্ষাপাত্ৰ ল'য়ে ;

গ্রামে গ্রামে নদী-তীরে-তীরে,

মন্দিরে মন্দিরে

কায়ক্লিষ্ট পূজারীর সাথ

বার-বার-নিগৃহীত বিগ্রহ মেলিয়া আছে হাত ;

যাহার অঙ্গনে

মুঞ্জরিত তুলসীর বনে

পথ্যাভাবে রোগমুক্ত পিতৃ-শব পঁচে,

ভিক্ষা এনে পুত্র চিতা রচে ;

যার ধর্মরীতি,

কাব্য, প্রেমগীতি,

মরুমায়ী

রাজ-ভয়-ভীত রাজনীতি,—
ভিক্ষাবৃত্ত কাঙালের হীন অর্থপ্রীতি !
নিজেরে নিঃশেষ করি' দানে দানে তার
ঘরে ঘরে বুকে বুকে জাগাবে ধিক্কার,
এই আশা ছিল ত তোমার ।

হায় মহারাজ !
তোমাতে হারিয়ে যা'রা ঘরে পরে কাঁদিতেছে আজ,
তাদের ত লাগেনি এ লাজ !
তা'রা আজও ফিরে চায় দাতা !
দেশের দেশের কাজে চায় তা'রা, হায়রে বিধাতা,
খোলা থাক্ খাতা !
তা'রা বুঝিল না,—তব দান,
—দেশের মুক্তির পথে নব অবদান,—
বহিছে কি বাণী !—
'দান শুধু দানই,
দাতারে দরিদ্র করে, দরিদ্রে সে করে না মহৎ,
আত্মা-জয়-যাত্রিকের নয় নয় ভিক্ষা নয় পথ ।'

মহারাজ

জানিতে জানিতে মহারাজ,
যে কাজ করিতে চেয়েছিলে, মানুষের অসাধ্য সে কাজ ।
তখন এসেছে শেষ ডাক,
দেখি মোরা হইয়া নির্বাক,—
সংস্কৃত-সমুদ্র-লীন পক্ষহীন জাগিতেছ বিরাট মৈনাক ।
তবু প্রাণপণ,
অস্তুরে জপিছ তব পণ,—
নিজের সর্বস্ব যায় যাক্,
শুধু থাক,—
রক্তমেঘ সন্ধ্যাকাশে চক্ষের সন্মুখে জেগে থাক,—
আঁধার দেশের দৈন্য উত্তুঙ্গ নিশ্চল,
দানের আলোকদীপ্ত কলঙ্ক-কজ্জল
সে লাজমহল !

সরল চণ্ডী

হোথা বীর সুরপতি ঘুরে দুঃখিত-মতি,
অঙ্গরী সুখা রতি পায় না,—
ত্রিভুবন হেঁটে' হেঁটে' অবশেষে কেঁদেকেটে'
ভবানি-চরণে ধরে বায়না :—

মা—গো, মা—গো, জাগো—রাগো—,
দৈত্য মারিয়া রাখো স্বর্গ,
নহে,—তেত্রিশ কোটী তোর পায়ে মাথা কুটি'
অমর মরিব আজি সর্ব্ব ।

স্বতি-প্রবুদ্ধা শিবা সংক্রুদ্ধা
গর্জি' কহেন,—শুন সুরনাথ !

মারিতে অমর-অরি বল কি উপায় করি ?
সবই আছে, শুধু মোর নেই হাত !

প্রণমি' ইন্দ্র কহে, অনুতাপে তনু দহে,
দনুজের সহ তুমি যুঝ মা !—

মোরা পাঁচজনে মিলে' নিজ ভুজ কাটি' দিলে
আপনি হইবে দশভুজ মা ।

শুনি' চণ্ডীর তোষ, দানবের গ্রহদোষ,
ভাগ্য-কলসী চিরছিদ্রা ;—

মায়ের সাহস পেয়ে সুরপতি নেয়ে খেয়ে
বহুকাল পরে দিল নিদ্রা ।

মরুমায়ী

শিব কন—শিবানি ! শুনিলাম কি বাণী ?
আমার মহিষে না কি মাৰ্বে ?
পরম সে শৈব, আমি পিছে রৈব,
তুমি তার কি করিতে পার্বে ?
শিবানী কহেন হেসে'— সত্য ফেপিলে শেষে,
তোমার ভক্তে আমি মারিব !
সুখে-ঐশ্বর্যে সে তোমা ভুলেছে যে,
তাই আজ তারে আমি তারিব ।
শিবসনে করি' রফা, সারিতে মহিষ-দফা
ধরে দেবী দশভূজা মূর্তি ;
দৈত্যের হ'ল ক্ষয়, বকলমে রণজয়
করি', দেবগণ করে ফূর্তি ।
এ কথা জগজ্জন হ'য়েছে বিস্মরণ,
এ কথা মা নিজে গেছে ভুলিয়া ;
শুধু এ শক্তি-বীজ বাঙালী করিয়া নিজ,
বিজয়ায় ভাঙ্ খায় গুলিয়া !
শাস্ত্র-পুরাণ-গাথা, সত্য কি মিথ্যা তা
অধম হাতুড়ে কবি কি জানি ?
বাংলার হাওয়া-জলে যে কথা ভাসিয়া চলে
সেই কথা পাঁচালীতে বাখানি,
মনে ভাবি মায়ের বাঁ পা-খানি ।

সুন্দরবনের গান

প্রেমের লাগি' দেশ ছেড়েছি, শোন বন্ধুবর !
প্রিয়ার সাথে বেঁধেছি ভাই সুন্দরবনে ঘর ।
সুন্দরবনে বাস আমাদের, সুন্দরবনে বাস ;—
ভেরি বেঁধে' নোনাপানি ঠেকাই বারোমাস ।
সুন্দরবনের চর গো বন্ধু, হুন-দরিয়ায় ঘেরা,—
তারি মাঝে মিঠে পানি সকল পানির সেরা ।

মরুমায়ী

‘গেঁয়ো’র খুঁটি, ‘বাণী’র রুয়ো, ‘হাঁতাল’ কেটে’ ছড়,
উলুখড়ের ছাউনি দেওয়া মোদের কুঁড়ে ঘর।
উলুখড়ের ছাউনি চালে, উলুখড়ের ছাউনি,—
তারি তলে কেঁপে’ জ্বলে পিয়ার চোখের চাউনি।
বনে জ্বলে বুনো আগুন কালা-জঙ্গল-পার,—
পিয়া করে আমার তরে শনিমঙ্গলবার।

‘সুন্দরী’ গাছে মাচান্ বেঁধে’ কাটাই চৈতি রাত্তি,
দখিন্ হাওয়ায় নেবে জ্বলে দূর দরিয়ার বাতি।
বনে ডাকে বনের বাঘা আগা-গোড়া ডোরা ;
হাঁতাল-ঝোপে ময়াল সাপে ধরে ‘দাঁতাল বোরা’।
চরের পাখী হঠাৎ ডাকি’ ঘুরে’ উড়ে যায়।
সাঁতার কেটে’ কুমীর উঠে’ জোচ্ছনা পোহায়।
চম্কে চেয়ে থম্কে দাঁড়ায় ভীতু হরিণ-দল,—
দুর-দুরিয়ে ছুটে’ পালায় কাঁপিয়ে জঙ্গল।
চাঁদের ঝাঁকে জোয়ার ঢোকে সৌন্দর গাঙে গাঙে,—
ভাঙ্গন্-মুখে সুন্দরী গাছ কেঁপে’ কেঁপে’ ভাঙে।
দখিন্ হাওয়ায় জোয়ার লাগে জংলা গাছের তল্—
তটের বুকে ঢেউএর সুখে তল্-তলাতল্-তল্।

হথা, পাপিয়া পিক্ কাঁদায়না দিক্ চাঁদনি আকাশ ভ’রে,
সাগর-কূলে আগড় খুলে’ দখিন্ হাওয়াই ঘোরে।
সাগর-পারের স্বপন এনে’ গাঙে সে ভুলায় ;
গাঙ্-কপোতীর সাথে সাথে সোঁতে ভেসে’ যায়

সুন্দরবনের গান

দখিন্ হাওয়া, দখিন্ হাওয়া, মাতল হয়েছে রে !
পালের তরীর অঁচল ধরি' গাঙে গাঙে ফেরে ।
কাঁচা বনের সবুজ কাঁচল টানে দখিন্ হাওয়া ;—
পিয়ার পিঠের এলোকেশে আমার তনু ছাওয়া !
দেশের শেষে সুন্দরবন রে, দখিন্ হাওয়ার দেশ,—
চোখে মুখে ঝাপট লাগে পিয়ার এলোকেশ !
সুন্দরবনের খোলা চরে নাচে খঞ্জন পাখী,
সোণারই পিঞ্জরে নাচে ছুটি পোষা আঁখি ।
এদেশের মোমাছি কেবল পদ্মমধুই খায়,—
পিয়াসী আমারে পিয়া অধর পিয়ায় ।
লোলুপ দিঠি পিয়ার মুখে উড়ে পাকে-পাক,—
পদ্মবনের মোমাছি বা পদ্মে বাঁধে চাক !

সুন্দরবনে বাস গো বন্ধু, সুন্দরবনবাসী ,
নোনাপানি ঠেকিয়ে মোরা এক ফসলের চাষী ।
মিছে আমায় ডাকো বন্ধু, মিছে ফিরে ডাকো,
তার চেয়ে ভাই তুমিই মোদের অতিথ হইয়ে থাকো
তোমার সাথে বাইনু প্রাতে গাইনু কাঁদন-গান,
টানা পথের বাঁকে বাঁকে ছিল ভাঁটার টান ।
মোহানাতে দেখি—একি উজান বহে বারি !
সাধে কি হইনু রে বন্ধু সুন্দরবনচারী !

মরুমায়ী

ফিরিতে কোয়ানা গো আর, ফিরে যেওনাকো ;
দুখের বন্ধু সুখের ভাগী অতিথ হইয়ে থাকো ।
থেকে যেও, দেখে যেও ভাদর অমা-রাতে;—
—ষাঁড়াষাঁড়ির বানে সাগর গাঙে যখন মাতে—
আমি দাঁড়ে পিয়া হালে, থাকবে না আর কেউ,
এই সুন্দরী কাঠের নায়ে কাটবো কালাপানির চেউ !



যুক্তি-ঘুম

দূর ছুর্গম দুর্গের আড়ে সূর্য্য অস্তে নামে,—
বন্ধুর সাথে দেখা হ'ল পথে শ্রীচৌরঙ্গীধামে ।
ভরা দখিনায় ভেসে চ'লে যায় বৈশাখী শনিবার,
সন্ধ্যাবিহারী শ্বেত নরনারী, হাওয়াগাড়ি অনিবার ।
দখিনার ঝড়ে হু'য়ে হু'য়ে পড়ে শ্যাম পথতরুদল,
চলে তলে তলে রূপবিলাসিনী যৌবন-বিহ্বল ।
ইষ্টসিদ্ধ অকুর্টলোনি ইষ্টকযোনি পেয়ে—
অস্থরে অঙ্গুষ্ঠ উঠায়ে উদাস র'য়েছে চেয়ে ।
মাঠঘেরা বাড়ী, একপাশে তারি ডালছাটা অশ্বখ,
পথভোলা এক বেহায়া কোকিল তাহে পঞ্চম-মন্ত ।
বাঁকাচোরা বুড়া বলরামচূড়া ফুলে ফুলে লালে-লাল,
শ্যামল অঁধারে লম্পট হাওয়া লুটে বকুলের ডাল ।
দম্কা দখিনা বহি' আনে শত গন্ধের সন্দেহ ;—
পাষণ-চাপা এ সহরেরও বুকে কত বসন্ত-স্নেহ !

মরুমায়ী

বৈশাখী সাঁঝে জনতার মাঝে তড়িৎ-দীপ্ত পথে
আমারে দেখিয়া থামিল বন্ধু, নামি' এল রথ হ'তে ।
“এমন সময় এদিকে কোথায় ?” কহে বিস্ময় মেনে,
“তোমার ডেরা ত চিরকাল জানি ছকু-খানসামা লেনে !”
আমি কহিলাম—“চলেছিছু ভাই তোমারই যে সন্ধানে,
আজ সন্ধ্যায় মোর সাথে চল আমার বাসার পানে ।”

রাত্রি তখন অধিক হ'য়েছে ছকু-খানসামা লেনে,
মোড়ের মাথায় পানের দোকানে ঝাঁপ দিয়ে দিল টেনে' ।
আমি ও বন্ধু নির্জন অঁকাবাঁকা পথে পথ চলি—
গিয়ে রাতের দখিনা ঘুরে' মরে অলিগলি ।
পৌছি' বাসায় পরিচিত সিঁড়ি বাহিলাম চুপি চুপি,
অঁধার কক্ষ আলো করিলাম জ্বালি' কেরোসিন কুপি ।
মলিন আসনে বসায়ে সখায় কুণ্ঠিত সমাদরে,
রাতের মতন ছুয়ার রুধিছু আমার শয়ন-ঘরে ।
চরণ চাপিয়া সাক্ষনয়নে শুধাইছু বন্ধুকে
‘বল বল ভাই মুক্তি কোথায় ? চরকা না বন্ধুকে ?’
হাসিয়া বন্ধু পরম যতনে অঙ্গে বুলায় কর,
কানে কানে কথা কহে অতি মৃদু গোপন গভীরতর ।
স্নেহের পরশে আঁখি মুদে' আসে,—গরাদে'র ফাঁকে ফাঁকে
সাগরের হাওয়া কাঁপায় কোণের কেরোসিন শিখাটাকে ।—

মুক্তি-ঘুম

তন্দ্রা আসিলে বুঝি—বন্ধু কহিতেছে কানে কানে,—

“চরকাও বুঝি বন্দুকও বুঝি, মুক্তিরই নেই মানে।

“ঘুমাও ঘুমাও ভাই,

“জীবনে মরণে কোনখানে কভু সত্য মুক্তি নাই।

“ব্রহ্মা জপিছে মুক্তিমন্ত্র বিফলে কল্প ব্যোপে’,

“মুক্তি না পেয়ে ভোলা শঙ্কর মাঝে মাঝে যায় ক্ষেপে’।

“জল হ’তে তুলে’ শুক্তি ভাঙিলে মুক্তা মুক্ত নয়,

“দল বেঁধে’ তারা নূতন বাঁধনে কণ্ঠে দুলিয়া রয়।

“রূপের অধীন দিব্য নয়ন, রেখার অধীন ছবি,

“ছন্দ-অধীন স্বাধীনতা-গীতি, বন্দনাধীন কবি।

‘ঘুমাও বন্ধু, ঘুমাও বন্ধু, সবই বন্ধনলীলা,—

“চরকা ঘোরে ত ঘোরে নাকো টাকু রসি যদি হয় টিলা !

‘সৃষ্টি ত’ শুধু মুক্তির গায়ে বন্ধন পাকে-পাক,—

‘এরই মাঝে থেকে মুক্তি বন্ধু, সৃষ্টিছাড়া সে ডাক !

“বন্দুক হ’তে যে মুক্তিশ্রোতে জড় কন্দুক ছুটে,

“সেই মুক্তির ঘূর্ণাবর্তে তুলো স্মৃতি হ’য়ে উঠে।

“আসল মুক্তি এতে ওতে তাতে নেই যে তা নিঃসন্দ,

“নকলের তরে চরকা এবং বন্দুকে বৃথা দ্বন্দ্ব !

“যতেক মুক্তিপন্থী,—

“পুরাণো গ্রন্থি শিথিল করিতে কসে দৃঢ় নবগ্রন্থি।

“প্রোথিত দণ্ডে বসনখণ্ডে রঙিন বাঁধনে বাঁধি’

“মিলি’ তারই তলে ভাবে দলে দলে মুক্তিসাধন স্রাধি।

মরুমায়ী

“মাটির কারায় যে তপস্যায় বীজেরা বন্ধ চিরে,
“তারি ফলে উড়ে মুক্তির ধ্বজা দীঘল তালের শিরে।
“সেই মুক্তির আনন্দ তার আকর্ষণে ভরে রসে,
“ক্লিষ্ট মানব সে রস ভুঞ্জি’ মাতাল হইয়া বসে।
“কে ছাখে বন্ধু, মুক্ত বীজের নিশানের তলে তলে
“ফলের কারায় নব বীজ হয় বাঁধা পড়ে দলে দলে।

“একক বীজের মুক্তি

“সাথে বহি’ আনে লক্ষ বীজের নব-বন্ধন-চুক্তি।
“রসমাতাল ও মুক্তিমাতালে প্রভেদ জানিহ খোড়া,
“একজন কাটে তালের আগা ও আর জন কাটে গোড়া।

“যুগ যুগ ধরি’ এই বিশ্বের যতেক মুক্তিকামী।
“তপ্ত তাওয়াজ কাটা কই হেন বিফলে উঠিছে ঘামি’।
“তার মাঝে যার বেদনা অসহ, সেই ছটফট করে,
“তেলের হুনের আইন না মেনে’ আগুনে বাঁপায়ে পড়ে।

“ঘোর ঘর্ষ ঘ্যানর্ ঘ্যানর্ দ্রিমি দ্রিমি দ্রাম্ দ্রম্!
“মোর বরে তোর কানের ভিতর সমান ঢালুক ঘুম,
“ঘুমা গো বন্ধু ঘুমা,—

“শুনিসনে ভাই মুক্তির লাগি’ কাঁদিছে স্বয়ং তুমা।

মুক্তি-ঘুম

“ও কাঁদনে যদি কাঁদন মিলাস্ থামিবে না ক্রন্দন ;
“ছুটি ক্ষীণ বাহু, কত কাটিবি রে বন্ধনে বন্ধন ?
“নিশার আকাশে একা নিরুপায় মুক্তি কাঁদিছে বসি’
“তারায় তারায় জাল বুনে’ দিল বাঁধনের রসারসি !
“মুক্তির আশে চিরক্রন্দন—তারই নাম জাগরণ,—
“সে জাগরণের কত যে বেদনা, জানি তাহা মনে মন ।
“তাই আমি যারে ভালবাসি তারে পরাই ঘুমের টিপ্,
“ঘুমাও বন্ধু ঘুমাও ঘুমাও, এই নিবাইলু দীপ !
“যে ঘুম ঘুমায়ে শঙ্কর-অঁখি চির-আধনিমীলিত,
“যে ঘুমে পাগল সাগরের হাওয়া হয় গিরিগুহায়িত,—
“সেই ঘুম হ’তে এনে’
“তোর চোখে আজ দিলাম বন্ধু ছকু-খানসামা লেনে ।
“যখন ঘটিবে যে রঙ্গ চৌরঙ্গীর মোড়ে মোড়ে—
“গোপনে গোপনে আপনি আসিয়া স্বপনে শোনাব তোরে ।
“মোর ’পরে তুই বিরূপ হ’লেও ভালবাসি তোরে ভাই,
“ঘুমের পাতালে গুম্ কোরে তোরে দ্বারে আমি জাগি তাই ।”

কবির ঠিকানা

পাড়াগেঁয়ে কবি ;— প্রভুর আদেশে
সহরেতে তার আসা ;
বহু খুঁজে' নিল মোহিনী রোডেতে
ছোট্ট একটা বাসা ।
খুঁজে' নিল বাসা, যথা সম্ভব
মিলায়ে কাব্য-কোড,
অনতিদূরেই বকুল বাগান,
পাশ দিয়ে রসা রোড ।
বামে কারখানা, কোণে জঙ্গল,
ছোট্ট বাসার কাছে
বহু-ভাষাভাষী খোঁটা-পাড়া ও
মস্ত বাজারও আছে ।

কবির ঠিকানা

কারখানাটার ছোট সংসারে
দিনরাত ঠোকাঠুকি,
হাতুড়ির চোপা শুনিয়া ঝোঁপায়
হাপোর অগ্নিমুখী ।
উঁচু নারিকেল সুদূর বনের
বেতার বার্তা পায় ।
তলে পোড়ে' এক একা সহকার,
কিছুই বলে না তায় ।
প্রবাসে বেসাথী সহকারে ঘটে
মাস তারিখের ভুল,
আঘাতে পৌষে কি ভেবে' হয় সে
সহসা মুকুলাকুল !

পাড়াগেঁয়ে কবি, সহরের ভিড়ে
পেয়ে গেল হেন ডেরা,
জঙ্গল পানে মুখটা তাহার,
পথ পানে পিছু ফেরা ।
যত দোষই দেই,—ভাগ্যের কথা
কিছুই যায় না বলা ;
ছোট্ট হ'লেও বাসাটা কবির
এক ছুই তিন তলা ।

মরুমায়ী

একতলে কবি করে স্নানাহার,
দোতলায় শোয় রাতে,
মাঝে মাঝে ছুটে' তেতলায় উঠে
খাতা পেন্সিল হাতে ।

একতলা আর দোতলা কতক
মজবুৎ করে গাঁথা,
তেতলার চিলে কুটুরিটী গড়া
কুড়িয়ে আনিয়ে যা তা ।

নড়ে' নড়ে' ওঠে ছোট চিলে-কোঠা
কালবোশেখীর ঝড়ে,
ঝঙ্গামন্ত ঢ্যাঙা নারিকেল
টৌলে এসে গায়ে পড়ে ।

জ্যেষ্ঠ-দুপুরে তেতে' ওঠে কোঠা
নিজে কড়া রোদ টানি' ;

বর্ষার ছাটে নিঝ'ঝাটে—
ধুয়ে যায় ঘরখানি ।

অবাধে ঢোকে রে শীতের বাতাস
ভাঙা জানালার ফাঁকে,

ফাগুনে চৈতে দারুণ দখিণা
উড়ে' যেতে সাথে ডাকে ।

কবির ঠিকানা

ঢাকনা-হারানো কোটারই মত

ছোট চিলে-কোঠা বটে,
সেথা ব'সে কবি হেরে জলছবি
আকাশের মরুপটে ।

ঘুলঘুলি দিয়ে ছেলেমেয়েগুলি
উঁকি মেরে' মেরে' যায়,
আধফোটা যুঁই পাতার আড়ালে
বাতাসের স্নেহ চায় ।

আশপাশ দিয়া যায় কবিপিয়া
টিপিয়া টিপিয়া পা,
আসে যদি কবি তেতলা ছাড়িয়া
দোতলায় নামিয়া ।
নেমে' যায় মেয়ে, নেমে যায় প্রিয়া,
নামে সে দোতলা বাড়ী,
কৌটোয় চেপে' কবি ততখন
আকাশে দিয়েছে পাড়ি ।

যত চলে কবি, চলে মায়াছবি
আকাশের সীমানায়,
মাঠ পার হ'য়ে বন পার হ'য়ে
সাগর যে দেখা যায় ।

মরুমায়ী

এপারে সাগর উর্শ্বি-জাগর,
ওপারে অপার ঘুম,
ভাঙার কবির ভাঙা কোঁটায়
লাগে বুঝি মৌসুম !

ঘুরে' আসে কবি কোঁটায় চেপে,
নামে ক্রমে দোতলায়,
একতলে কেবা কড়া নেড়ে' গেছে,
পৌঁছেনি তেতলায় !
কবির বাসার ঠিকানা এবার
মিলেছে, ভেবেছ ভাই !
কেমনে বন্ধু সন্ধান পাবে ?
নম্বর লেখা নাই !

হাটে

হাটে হাটে আমি ঘুরে' যে বেড়াই—

সে নহে করিতে হাট ;

হাটের বক্ষে দেখে' যাই আমি

কত যে কাঁদিছে মাঠ ।

কত যে মাঠের আঁচলের ধনে

ভরা এ হাটের ডালা,

কত যে মাঠের ছিন্ন কুসুম,—

হাটের গলার মালা !

মরুমায়ী

আড়তে আড়তে বেড়া'তে বেড়াতে

বাতাসে অকস্মাৎ

মনের খাতায় উলটিয়া যায়

মাঠের শ্যামল পাত ।

অঁখি মুদে' দেখি—মাথার ভিতর

ঘনায় শাওন-ঘোর,

নূতন ধানের ঢেউ ছলে' যায়

বুকের শোণিতে মোর !

অঁখি মেলে' দেখি—চতুর কয়াল

মাপিয়া চলেছে মাল,

সূক্ষ্ম হিসাব, লোকসান লাভ

কত ধানে কত চাল ।

তুলে তৌলিয়া ঘানিতে তুলিবে,

তবে যাবে ঠিক জানা,—

শর্ষে-ক্ষেতের মাধুরী মরিয়া

বাঁধিল কেমন দানা ।

কত না মাঠের কাঁচা শ্যামলতা

পাণ্ডুর হ'ল পেকে',

মাঠের মূল্য চুকাইয়ে দিয়ে

হাট নিল তারে ডেকে' ।

হাটে

সব্জী-বাজারে আসিয়া দেখি যে—

পড়িয়া হাটের কাঁদে

ফলে ফুলে পাতে শীতের প্রভাতে

মাঠের শিশির কাঁদে ।

সোটা-বাঁধা-বাঁধা লোটে লাউ-ডগা,

মোলাম্ পালম্-আটি,

মূর্ছিত চিতে চাহে কি স্মরিতে

মাঠের কোমল মাটি !

সুদূর গোঠের শ্যাম-বার্তা কি

স্মরিছে রে বার্তাকু ?

কচি বুক হাটে সুলভ করিতে

ফলে ফালা দিল চাকু !

মাটির বন্ধ খুঁড়ে' খুঁড়ে' তোলা

কত মূল, কত কন্দ,—

ধুয়ে' মুছে' ডালি ভ'রেছে রে, তবু

র'য়েছে মাটির গন্ধ ।

টাটকা ফলের মটকিয়ে বোঁটা

দেখে' লয় নির্যাস,—

গন্ধে তাহার ভেসে' ভেসে' আসে

মাঠের দীর্ঘ-শ্বাস ।

হারায় হারায় গেরুয়া মাঠ কি

বিবাগিনী হ'ল ভাই ?

মরুমায়া

কচি বয়সেই ছাঁচি কুমড়োকে

ছ'হাতে মাখাম ছাই !

শুনে' আসি আমি থর-সজ্জিত

ফলের দোকানে পশি'—

ওদেশের মাঠ কাঁদিছে নীরবে

এদেশের মাঠে বসি' ।

খোলোর আঙুর বোঁটা হ'তে আজও

পায়নিকো পুরো ছুটি—

মরেছে আপেল,—ফুটে' আছে তবু

ছ'গালে গোলাপ ছ'টি ।

রসালের গালে গড়া'ল অশ্রু,

আজও দাগ দেখা যায় ।

কঠিন বেদানা বুকে টোল্ খে'ল

না জানি কি বেদনায় !

শিকায় টাঙানো তরমুজ নারে

বহিতে আপন ভার ;

ডালায় থাকানো কিস্মিস্ ভাবে—

শুষ্ক জীবন তার !

হাটে

বাস্নায় বাঁধা ফেটে' পড়ে ফুটী
না জানি কি স্মৃতি-ভারে !
বাক্সয় ঢাকা আঙুরের 'মমি'
ঘুমায় রে সারে সারে !

হাটের মধ্যে নিরর্থ আমি,—
এলোমেলো মোর হাঁটা ;
বামে মাথা ঠুকে' চলিতে সমুখে,
চোখে পড়ে মেছোহাটা ।
মেছোহাটে ঢুকে' জনারণ্যের
নির্জনতার মাঝে,
গোপনচিত্তে কার নিমিত্তে
গভীর বেদনা বাজে ?
কোন্ খাল-বিল-নদী-নিবাসের
কি সজল-স্মৃতি-ঘায়
ডাঙার প্রবাসে কাতর কাতল
থেকে থেকে খাবি খায় !
কোন্ সে নিতল শীতল পঙ্কে
ছিল পাঁকালের বাসা ?
ডালার কই যে ঘেমে' ওঠে ওই,
এখনো পোষে কি-আশা ?

মরুমায়ী

খেলিয়া বেড়া'তে জলের দুলাল,
ঢেউএর আঁচলে ঢাকা,
সন্ধ্যার মুখে পদ্মার বুকে
জালে জড়াইল পাখা ।
এখনো যে দেহ রূপোর পাত্ রে,
হীরের টুকরো আঁখি,—
মরণের শীত করে নিবারণ
বরফের কাঁথা ঢাকি' ।
মেছোহাটে ঢুকে' জন-কল্লোলে
জল-কল্লোলই শুনি,—
নির্জন তটে চেয়ে নিরুপায়
শুধু হয় ঢেউ গুণি ।

মাঠের বেদন জলের কাঁদন
হাটে যে মিলিল,—তাই
হাটে হাটে আমি ঘুরে' মরি বৃথা,
হাট করিনে রে ভাই !

দীপ-পতঙ্গ

অমাবস্তার শ্যাম অম্বরে

রজনী দীপাঙ্ঘিতা ;

আজ যে দীপালী, ওরে পতঙ্গ !

বিস্মৃত হ'লি কি তা ?

মহারণ্যের পাতায় পাতায়

পাতা ঘর প'ড়ে থাক্,

শুভ দীপালীর মরণোৎসবে

শোন্ রে, প'ড়েছে ডাক ।

মরুমায়ী

তিমির-পুরীর ললাটে ছাখ্ ওই

লক্ষ প্রদীপ আঁকা,

গহন বনের কোণ ছেড়ে' আজ

আকাশে মেল্ রে পাখা ।

ক্ষণ-মিলনের অনলে তোদের

পোড়াতে প্রাণের আশ

তারায় তারায় কাঁপে ইসারায়

মরণের ক্রবিলাস ।

জীবন-বৃন্তে মরণই ত ফুটে,

কেন সন্দেহাকুল ?

দীপালী রাতের জ্যোতিরুত্থানে

তোরা মরুময়ী ফুল ।

আজি নটনাথ নৃত্য ভুলিয়া

মহাকালরূপে শুয়ে ;—

নেচে' চলে শ্যামা তাখিয়া তাখিয়া

চরণে মরণ ছুঁয়ে ।

সে শ্যামা পূজায়, তোরা পতঙ্গ

শ্যাম পুষ্পাঞ্জলি ;

দীপে দীপে দীপে শিখার খড়্গ

লক্ষ নীরব বলি ।

দীপ-পতঙ্গ

তোদের ধূপের শ্যাম ধূমে ঢাকে
দীপের রক্তপ্রভা,
তোদের মরণে শ্যাম হ'য়ে উঠে
শ্যামার রক্তজবা ।
নহে বিদ্রোহ, নহে সে ত মোহ,
অভিমানও নহে হায়,
দক্ষ দীপের দাহনই ত প্রেম,
গাহন করিস্ তায় ।
দীপাধিতার দীপে দীপ জ্বালা,
সে নহে তোদের কাজ ;
ওরে পতঙ্গ, দীপ্ত শিখায়
ঝাঁপ দিতে চল্ আজ ।
